



唐詩卷一百二十一

杜工部

古詩

居雲安及至夔州作

杜鵑

西川有杜鵑東川無杜鵑涪萬無杜鵑雲安有杜鵑我

昔遊錦城結廬錦水邊有竹一項餘喬木上參天杜鵑

暮春至哀哀叫其間我見常再拜重是古帝魂生子百

鳥巢百鳥不敢噴一作噓仍為餒其子禮若奉至尊鴻

鴈及羔羊有禮太古前行飛與跪乳識序如一作又知

杜工部古詩

唐詩卷一百二十一

一

思聖賢古一作吾法則付與一作之後世傳君看禽鳥

情猶解事杜鵑今忽暮春間值我病經年身病不能拜

淚下如迸泉舊注上皇幸蜀時宗以李輔國難問遷之西內惟之而崩此詩感是也

題下舊注云時明皇在蜀蒙塵陳浩然本無此七

字當從陳本此詩大曆元年公在雲安作明皇晏

駕久矣

夏竦曰詩前四句乃序耳以叶韻誤以為詩本題

下甫自注耳王直方曰此與古謠語無異豈復以

韻為限耶黃希曰白頭吟詞云郭東亦有樵郭西

亦有樵此詩前四句或本此吳曾漫錄曰樂府江

南古詞魚戲蓮葉間魚戲蓮葉西魚戲蓮葉南魚

戲蓮葉北子美正用此格

又曰東坡外集載辨王誼伯論杜鵑云子美蓋譏

當時之刺史有不禽鳥若也嚴武在蜀雖橫飲刻

薄而實資中原是西川有杜鵑其不度王命擅軍

旅絕貢賦以自固如杜克遜在梓州是東川無杜

鵲耳涪萬雲安刺史微不可考其尊君者爲有懷  
貳者爲無不在夫杜鵑真有無也按杜克遜事新  
舊兩書俱無可考嚴武在東川之後節制東川者  
李奐張獻誠也其以梓州反者段子璋也梓州刺  
史見杜集者有李梓州楊梓州章梓州未聞有杜  
也既曰譏當時之刺史不應以嚴武並列也逆節  
之臣前有段子璋後有崔旰楊子琳不當舍之而  
刺涪萬之刺史微不可考者也所謂杜克遜者既

不見史傳則亦子虛無是之流出後人僞撰耳世  
所傳志林諸書多出妄庸人假托如僞蘇注之類  
而無識者誤編之集中也黃鶴本載舊本題注云  
上皇幸蜀還肅宗用李輔國謀遷之西內上皇悒  
悒而崩此詩感是而作詳味此詩仍當以舊注爲  
是  
下來是  
四千里客居  
客居所居堂前江後山根下  
塹萬尋岸蒼濤鬱飛翻  
慈

青象木梢邪監雜石痕子規晝夜啼壯士歛精鬼峽開

四千里水合數百源人虎相半居相傷終兩存蜀麻久

不來吳鹽擁荆門西南失大將永泰元年閏十月郭英

又為崔旰所殺蜀中大亂大曆元年二月以杜鴻漸為

山南西道劍南東西川副元帥商旅自星奔今又降元

戎已聞動行軒舟子候利涉亦憑節制尊我在路中央

生理不得論卧愁病脚廢徐步視小園短畦帶碧草悵

望思王孫鳳隨其皇去籬雀暮喧繁覽物想故國十年

別荒村日暮歸幾翼北林空自昏安得覆八溟為君洗

乾坤稷契易為力大戎何足吞儒生老無成臣子真多四

番草堂本作四藩魯直刊作憂思翻篋中有舊筆情至

時復援然語章疑受刊本幽僻平丰懸思此必對樓平

春籍不客堂幾下交律融亦已封前輩贊各入聖文何

憶昨離少城而今異楚蜀舍舟復深山窅窕林麓棲

泊雲安縣消中肉相毒舊疾甘載一作戰一作再來衰

年得無足一作得弱足一作弱無足死為殊方鬼頭白

免短促老馬終望雲南鴈意在北別家長兒女欲起慚  
筋力客堂叙節改具物對羈東石暄蕨芽紫渚秀蘆筍  
綠已鷺一作稼紛未稀微麥早向熟悠悠日動江漠漠  
春辭木臺郎選才俊自顧亦已極前輩聲名人埋沒何  
所得居然縮章紱受性本幽獨平生憇息地必種數竿  
竹事業只濁醪營葺但草屋上公有記者累奏資薄祿  
主憂豈濟時身遠彌曠職循觀作修文廟算正獻可天  
衢直尚想超朝廷毫髮禪社稷形骸今若是進退委行

色

石硯詩

平侍御者  
侍御者

平公今詩伯秀發吾所羨奉使三峽中長嘯得石硯巨  
璞禹鑿餘異狀君獨見其滑乃波濤其光或雷電照均  
各盡墨多水遞隱現揮灑容數人十手可對面比公頭  
上冠貞質未為賤當公賦佳句况得終清宴公舍起草  
姿不遠明光殿致于丹青地知汝隨顧盼

東城水閣朝霽奉簡嚴雲安

一作雲安嚴明府

東城抱春岑江閣鄰石面崔嵬晨雲白朝旭一作日射

芳甸雨檻臥花叢風床展書卷一作展輕幔鈎簾宿鷺

起丸藥流鸞轉呼婢取酒壺續兒誦文選晚交嚴明府

矧此數相見並引此數相見八十七回博白以公願

贈鄭十八賁雲安其前以史書其夫延雷雷細

溫溫士君子令我懷抱盡靈芝冠衆芳安得闕親近遭

亂意不歸窳身跡非隱細人尚姑息吾子色愈謹高懷

見物理識者安肯哂卑飛欲何待捷徑應未忍示我百

篇文詩家一標準羈離交屈宋牢落值顏閔水陸迷畏

一作長途藥餌駐修軫古人日以遠青史字不泯步趾

詠唐虞追隨飯葵菹數盃資好事異味煩縣尹心雖在

朝謁力與願矛盾抱病排金門衰容豈爲敏

三韻三篇韻脚亦未問陳士之詩前亦殊為

高馬勿唾一作捶面長魚無損鱗辱馬馬毛焦困魚魚

有神君看磊落士不肯易其身一作捶

蕩蕩萬斛船影若揚白虹揚一作揚起檣必推牛挂席

集衆功自非風動天莫置大水中

烈一作列士惡多門小人自同調名利苟可取殺身傍

權要何當官曹清爾輩堪一笑

鶴曰此詩刺廣德永泰間朝士之趨附元載魚朝

恩者

青絲青地白馬用侯景事以

比僕回懷恩主

青絲白馬誰家子麤豪且逐風塵起不聞漢主放妃嬪

近靜潼關掃蜂蟻殿前兵馬破汝時十月即為蠶粉期

未如一作知面縛歸金闕萬一皇恩下玉墀示

鶴曰此詩言僕固懷恩之亂是也廣德二年二月

懷恩謀取太原其子瑒進圍榆次十月懷恩與回

紇吐蕃進逼奉天永泰元年九月又誘回紇吐蕃

吐谷渾党項奴刺俱入寇是時懷恩乘吐蕃入犯

之後阻兵犯順故曰麤豪且逐風塵起也上初遣

裴遵慶詣懷恩諷令入朝又下詔稱其勲勞許以

但當詣闕更勿有疑而懷恩皆不從故曰不如面

縛歸金闕萬一皇恩下玉墀也董道跋崇徽公主  
手痕碑云碑在汾州靈石懷恩以猜嫌入回紇沒  
其家入後宮大曆四年以其女爲崇徽公主嫁回  
紇可汗故云不聞漢主放妃嬪言懷恩獨不爲妻  
孥計意亦隱刺代宗也高暉引吐蕃入長安郭子  
儀復長安帥三百驍騎東走潼關守將李日越擒  
而殺之故曰近靜潼關掃蜂蟻以高暉比懷恩也  
未  
鶴曰殿前兵馬卽神策軍也兵志廣德元年代宗

避吐蕃幸陝朝恩舉在陝兵與神策軍迎扈悉號  
神策軍京師平朝恩遂以軍歸禁中自將之永泰  
元年吐蕃復入寇朝恩遂以神策軍屯禁中自是  
寢盛分爲左右廂居北軍之右矣代宗任用中人  
致功臣疑叛又專倚中人領禁軍以平禍亂此詩  
雖爲懷恩而作亦以刺代宗也

近聞

永泰元年郭子儀與回紇約共擊吐蕃  
次年二月吐蕃乘機誘殺回紇使

近聞犬戎遠遁逃牧馬不敢侵臨洮渭水透迤白日淨

隴山蕭瑟秋雲高崆峒五原亦無事北庭數有關中使  
似聞贊普更求親舅甥和好應難棄

文成金城三公主  
先後降吐蕃

代宗永泰元年子儀與回紇定約請擊吐蕃為効  
上停親征京師解嚴是年僕固名臣及党項帥皆  
來降次年二月命楊濟修好于吐蕃吐蕃遣首領  
論泣欽陵來朝此詩蓋記其事也

蠶穀行

天下郡國何萬城無有一城無甲兵焉得鑄甲作農器

一寸荒田牛得耕牛盡耕

一有田字

蠶亦成不勞烈士

淚滂沱男穀女絲行復歌自無

宋鑿華爾未可謂賤矣

折檻行

嗚呼房魏不復見秦王學士時難羨青衿胄子困泥塗

白馬將軍若雷電千載少似朱雲不至今折檻空嶙峋

婁公不語宋公語尚憶先望容直臣

此詩接續前篇

箋田永泰元年命左僕射裴冕右僕射郭英乂等

文武之臣十三人示集賢殿待制獨孤及並疏以

為雖容其直而不錄其言故曰秦王學士時難羨  
歎集賢待制之臣不及秦王學士之時也次年國  
子監釋奠魚朝恩率六軍諸將往聽講子弟皆服  
朱紫為諸生遂以朝恩判國子監事故曰青衿胃  
子困泥塗白馬將軍若雷電也當時大臣鉗口飽  
食效師德之畏遜而不能繼宋璟之忠謹故以折  
檻為諷言集賢諸臣自無宋魏輩爾未可謂朝廷  
不能容直臣如先皇也

引水

月峽瞿塘雲作頂亂石崢嶸俗無井雲安沽水奴僕悲  
魚復移居心力省白帝城西萬竹蟠接筒引水喉不乾  
人生留滯生理難斗水何直百憂寬

古柏行

此夔州柏高兩百即夔州也  
而為佳固宜不  
此古柏行  
文章世已為未稱

孔明廟前一作壻有老柏柯如青銅根如石霜一作蒼

皮溜雨一作水四十圍黛色參天二千尺君臣已與時

際會樹木猶為人愛惜雲來氣接巫峽長月出寒通雪

山白憶昨路遶錦亭一作城東先主武侯同閔宮崔嵬

枝榦郊原古窈窕丹青戶牖空落落盤踞雖得地冥冥

孤高多烈風扶持自是神明力正直原因造化功大厦

如傾要梁棟萬牛迴首丘山重不露文章世已驚未辭

剪伐誰能送苦心豈免容螻蟻香一作密葉終一作曹

經一作驚宿鸞鳳志士幽人莫怨嗟一作傷古來材大

難為用一作皆難用

縛雞行

小奴縛鷄向市賣雞被縛急相喧爭家中厭雞食蟲蟻

不知雞賣還遭烹蟲雞于人何厚薄吾叱奴人解其縛

雞蟲得失無了時注目寒江倚山閣大兒語東山商

員薪行公西之五小富來在道無大

夔州處女髮半華四五十無夫家更遭喪亂嫁不售

一生抱恨堪一作長咨嗟土風坐男使女立應坡作男

當門戶一作應門當戶女出入十猶一作有八九負薪

歸賣薪得錢應一作當供給至老雙鬟一作錄只垂頸

野花山葉銀釵竝筋力登危集市門死生射利兼鹽井

面粧首飾雜啼痕地褊衣寒困石根若道巫山女麤醜

何得此一作北有昭君村村連巫山有昭君宅

最能行一作北無夫父一作無夫父

峽中丈夫絕輕死少在公門多在水富豪有錢駕大舸

貧窮取給行艤子一作舟小兒學問止論語大兒結束隨商旅

欵帆側拖入波濤撇漩稍瀆無險阻朝發白帝暮江陵

頃來目擊信有徵瞿塘漫天虎鬚一作眼怒歸州長年

蜀中呼桡師為長年三老

行一作與最能此鄉之人氣一作器量窄悞競南風疎

北客若道土一作士無英俊才何得山有屈原宅一作宅

大寄裴旻州裴旻坐李嗣國貶旻州刺史

廊廟之具裴旻州宿昔一逢無此一作此流金鐘大鏞

在東序水壺玉衡英華作珩懸清秋自從相遇感一作晉

臧多病三歲為客寬邊愁堯有四岳明至理漢二千石

真分憂幾度寄書白鹽北苦寒贈我青羔一作絲裘霜

雪迴光避錦袖龍蛇一作蛟龍動篋蟠銀鈎紫衣使者

辭一作辟復命再拜故人謝佳政將老已失子孫憂後

來况接才華盛英華此句下有遙憶書樓碧池映七字

裴冕肅宗寶應元年以右僕射充山陵使坐附李

輔國貶施州刺史數月移澧州代宗大曆中復徵

為左僕射元載撰冕碑云以直遇坎牧蠻夷者二

大曆四年冬詔復入相薨于長安按冕自施召還

當在大曆二年之間二年二月史已載左僕射裴

冕置宴于子儀之第碑但記其入相之年也史稱

自施移澧碑不詳其後先以公詩考之冕蓋久于

施州當是自澧移施也史于移官先後如高適彭

韓韓蜀嚴武已綿之類每多錯悞皆當據公詩考正之

鄭典設自施州歸鄭典設自施州歸

吾憐滎陽秀冒暑初有適名賢慎所出一作出處不肯

妄行役旅茲殊俗遠一作還竟以屢空迫南謁裴施州

氣合無險僻攀援懸根本登頓入天草堂陳浩然並作

矢石青山自一川城郭洗憂憾聽子話此邦令我心悅

懌其俗則一作甚純朴不知有主客温温諸侯門禮亦

如古昔勅厨倍常羞舊書冕性侈靡好尚車服及營珍

饌每會賓友滋味品數坐客有味于名者杯盤頗狼籍

時雖屬喪亂事貴賞一作當匹敵中宵愜良會裴鄭非

遠成群書一萬卷博涉供務隙他日辱銀鈎森疎見矛

戟倒屣喜旋歸畫地求一作來所歷乃聞風土質又重

田疇闢刺史似寇恂列郡宜競惜一作借音迹北風吹

瘴癘羸老思散策渚拂蒹葭塞一云寒嶠穿蘿為幕此

身仗兒僕高興潛有激孟冬方首路強飯取崖壁歎爾

疲駑駘汗溝血不赤終然備外飾駕馭何所益我有平

肩輿前途猶準的翩翩入鳥道庶脫蹉跌厄車費散又

貧一作柴門固其

孤一作舟登漢西迴首望兩崖東城乾旱天其氣如

焚柴長影沒窈窕餘光散哈呀大江蟠嵌根歸海成一

家下衝割坤軸竦壁攢鎖鉅蕭颯秋色氛一作氣昏

霾日車峽一作峽門自此始最窄容浮查禹功翊造化

杜工部古詩 卷一百二十一 十四

疏鑿就欹斜巨渠決太古泉水爲長蛇風煙渺吳蜀舟  
楫通鹽麻我今遠遊子飄轉混泥沙萬物附本性約一作  
云處身一作性不願一作欲奢茅棟蓋一床清池有餘  
花濁醪與脫粟在眼無咨嗟山荒人民少地僻日夕佳  
貧病一作賤固其常富貴任生涯老于干戈際宅幸蓬  
華遮石亂上雲氣杉清晉作清延月一作日華賞妍又  
分外理慙夫何誇足子垂白年敢居高士差書此豁平  
昔迴首猶暮霞

胎華陽柳少府

繫馬喬木間問人野寺門柳侯披衣笑

一作嘯見我顏

色温並坐石下堂

一云堂下石一云石堂下俛視大江

奔火雲洗月露絕壁上朝暎自非曉相訪觸熱生病根

南方六七月出入異中原老少多暍死汗踰水漿翻俊

才得之子筋力不辭煩指揮當世事語及戎馬存涕淚

一云流涕濺我裳悲氣排帝閣鬱陶抱長策義仗知者

論吾衰卧江漢但媿識璵璠文章一小技於道未爲尊

起予幸斑白因是託子孫俱客古信州信州結廬依毀垣相  
去四五里徑微山葉繁時危挹佳士况免軍旅喧醉從  
趙女舞歌鼓秦人盆子壯顧我傷我驩兼淚痕餘生如  
過鳥故里今空村其中

雷

大旱山岳焦密雲復無雨一云覆如雨南方瘴癘地惟  
此農事苦封內必舞雩峽中喧擊鼓真龍竟寂寞土梗  
空俯俴吁嗟公私病稅歛缺不補故老仰面啼瘡痍向

果起果坐亦雨

誰數暴殄或前聞鞭巫非稽古請先偃甲兵處分聽人  
主萬邦但各業一物休盡取水旱其數然一云數至然  
堯湯免親覩上天鑠金石群盜亂豺虎二者存一端愆  
陽不猶愈昨宵殷其雷風過齊萬弩復吹霾翳散虛覺  
神靈聚氣竭腸胃融汗滋衣裳污一云腐吾衰尤拙計  
一云計拙失望築場圃

火

楚山經月火大旱則斯舉舊俗燒蛟一作蛇龍驚惶致

雷雨爆嵌魑魅泣崩凍嵐陰昉廣韻文彩狀反明也舊

注謂洹寒之處亦為火所崩迫故嵐陰亦著明也按西

京賦漸臺立于中央赫昉昉以弘敬善注埤蒼曰昉赤

文也音戶火之焚山凍崩而嵐陰皆赤其義自明羅落

沸百泓根源皆萬一作太古青林一灰燼雲氣無處所

入夜殊赫然新秋照牛女風吹巨焰作河棹一作淡漢

鼻詩話河棹應作河橫諸本皆誤騰一作勝煙柱勢欲

焚崑崙光彌歟洲渚腥至焦長蛇散吼一作吼爭纏猛

虎神物已高飛不一作只見石與土爾寧要謗齋馮此

近熒侮薄關長吏憂甚昧至精主遠遷誰撲滅將恐及

環堵流汗卧江亭更深氣如縷

七月三日亭午已後較熱退晚加小涼穩睡有

詩因論壯年樂事戲呈元二十一曹長

今茲商用事餘熱亦已末衰年旅炎方生意從此活亭

午減汗流北鄰耐人聒晚風爽烏匿筋力蘇摧折閉目

踰十旬大江不止渴退藏恨雨師健步聞一作供旱魃

園蔬抱金玉無以供採掇密雲雖聚散徂暑終一作經  
衰歇前聖春焚巫武王親救暍陰陽相主客時序遞迴  
幹灑落唯清秋昏霾一空濶蕭蕭紫塞鴈南向欲行列  
歛思紅顏日霜露凍堦闐胡馬挾彫弓鳴弦不虛發長  
鉞逐一作及狡兔突羽當滿月惆悵白頭吟蕭條游俠  
窟臨軒望山閣縹緲安可越高人煉丹砂未念將朽骨  
少壯跡頗踈歡樂曾倏忽杖藜風塵際老醜難翦拂吾  
子得神仙本是池中物賤夫美一睡煩促嬰詞筆

牽牛織女

牽牛出河西織女處其東萬古永相望七夕誰見同神

光

一作仙意

一作竟

難候此事終蒙朧颯然精靈合何

必秋遂通亭亭新粧立龍駕具曾空

一作穹

世人亦爲

爾祈請走兒童稱家隨豐儉白屋達公宮膳夫翊堂殿

鳴玉淒房櫳曝衣遍天下曳月揚微風蛛絲小人態曲

綴

一作撮

瓜果中初筵滾重露日出甘所終

一作從嗟

汝未嫁女秉心鬱忡忡防身動如律竭力機杼中雖無

姑舅事敢昧織作功明明君臣契咫尺或未容義無棄  
禮法恩始夫婦恭小大有佳期戒之在至公方圓苟齟  
齟丈夫多英雄一云勿替丈夫雄

毒熱寄簡崔評事十六弟

大暑一作火運金氣荆揚不知秋林下有翊翼水中無

行舟千室但掃地閉關人事休老夫一作大轉不樂旅

次兼百憂蝮蛇暮偃蹇空牀難暗投炎宵惡明燭况乃

懷舊丘開襟仰內弟執熱露白頭束帶負芒刺接居成

阻修何當清霜飛會子臨江樓載聞大易義諷興一作

咏詩家流蘊藉異時輩檢身非苟求皇皇使臣體信是

德業優楚材擇杞梓漢苑歸驂駟短章達我心理為一

云待識者籌

殿中楊監見示張旭草書圖

殿中監學  
天子服御事楊監謂楊炎

斯人已云亡草聖秘難得及茲煩見示滿目一凄惻悲

風生微納萬里起古色鏘鏘鳴玉動落落群松直連山

蟠其間溟漲與筆力有練實先書臨池真盡墨俊拔為

之主暮年思轉極未知張王後誰並百代則嗚呼東吳  
精李頎贈張顛詩皓首窮草隸時稱太湖精逸氣感清  
識揚公拂篋寄舒卷忘寢食念昔揮毫端不獨觀酒德  
揚監又出畫鷹十二扇

近時馮紹正能畫鷲鳥樣明公出此圖無乃傳其狀殊

姿各獨立清絕心有向一作尚疾禁千里馬氣敵萬人

將憶昔驪山宮冬移舍元仗天寒大羽獵此物神俱王  
當時無凡材百中皆用壯粉墨形似間識者一惆悵干

戈少暇日真骨老崖嶂爲君除狡兔會是翻一作飛講

上

歷代名畫記馮紹正開元中任少府監尤善畫鷹

鶻雞雉盡其形態背眼脚爪毛彩俱妙曾于禁中

畫五龍堂亦稱其善有降雲蓄雨之感朱景玄名

畫錄馮紹正善雞鶴龍水時稱其妙謝赫畫品有

六法六傳移模寫是也張彥遠云顧愷之有摹榻

妙法古時好榻畫十得七八亦有御府榻本謂之

官榻十二扇蓋榻馮監畫本也津陽門詩注申王  
有高麗赤鷹岐王有北山黃鸝逸氣竒姿特異他  
等上愛之每校獵必置手駕前目為決勝兒酉陽  
雜俎目為快雲見善本利書卷四之八未景文已  
送殿中楊監赴蜀見相公相公善本卷九杜鴻漸鎮蜀  
蜀府楊炎為判官十禁中  
去水絕還波洩雲無定姿人生在世間聚散亦暫時離  
別重相逢偶然豈定期送子清秋暮風物長年悲豪俊  
貴勲業邦家頻出師相公鎮梁益軍事無子遺解榻再

見今用才復擇誰况子已高位為郡得回辭難拒供給  
費慎哀漁奪私干戈未甚息紀綱正所持汎舟巨石橫  
登陸草露滋山門日易久一作云夕當念居者思

代宗大曆元年二月杜鴻漸鎮蜀明年六月入朝  
鶴曰此詩當是元年秋作按舊書杜亞傳杜鴻漸  
以宰相出領山劔副元帥以亞及楊炎並為判官  
崔寧傳鴻漸至蜀日與判官楊炎杜亞縱觀高會  
羯鼓錄鴻漸出蜀至嘉陵江與從事楊崖州杜亞

輩登驛樓望月行觴讌語此詩所謂揚監者豈卽  
崖州耶炎以元載敗貶道州司馬詩云况子已高  
位爲郡得固辭則知炎爲判官正以道州司馬辟  
也

贈李十五丈別

李叔書  
文選

峽人鳥獸居其室附層巔下臨不測江中有萬里船多  
病紛倚薄少留改歲年絕域誰慰懷開顏喜名賢孤陋  
忝末親等級敢比肩人生意頗一作氣合相與襟袂連

一日兩遣僕三日一共筵揚論展寸心壯筆過飛泉玄

成美價存子山舊業傳不聞八尺軀常受衆目憐且爲

辛苦行蓋被生事牽北迴白帝棹南入黔陽天泝公制

方隅迴出諸侯先封內如太古時危獨蕭然清高金莖

露一作金掌露一作金莖掌正直朱絲絃昔在堯四岳

今之黃穎川于邁恨不同所思無由宣山深水增波解

榻秋露懸客遊雖云父主要陳作亦思月再圓晨集風

渚亭醉操雲嶠篇丈夫貴知己歡罷念歸旋

李勉肅宗初年為梁州都督寶應元年建辰月党  
附項奴刺寇梁州勉棄郡走後歷河南尹徙江西觀  
察使大曆二年來朝拜京兆尹李十五自陝中往  
訪正勉在江西時也南入黔陽天自黔取道之豫  
章也唐語林李沂公罷嶺南節度至石門停舟悉  
搜家人犀象投水中張彥遠名画記曾祖魏國公  
與司徒沂公並佐霍國公關內三軍幕府沂公博  
古多藝窮精蓄奇許詢逸少經年共賞山泉謝傳

戴逵終日唯論書画舊書勉坦率淡素好古尚奇  
清廉簡易為宗臣之表

西閣曝日

凜冽倦玄冬一作私肌膚潛沃若太陽信深仁衰氣歛有  
髮具自和一作私肌膚潛沃若太陽信深仁衰氣歛有  
託敬傾煩注眼容易收病脚流離或作瀾瀾木杪一作  
梢猿翮躑山顛鶴用刊作朋知苦聚散哀樂日已作一作  
作亦已昨一作錯即事會賦詩人生忽如昨一作錯古來遭喪

亂賢聖盡蕭索胡為將暮年憂世心力弱古來豈

賦意課伐木謂用斧斤伐木謂用斧斤

課隸人伯夷幸一作辛秀信行等入谷斬陰木入

其日四根止維條伊枚正直挺然晨征暮返委積庭

內我有藩籬是缺是補載伐篠蕩伊仗一作杖支

持則旅次于小安山有虎知禁若恃爪牙之利必

昏黑控晉作撐一作糖突夔人屋壁列一作例樹

白菊一作菊鰻為牆實以竹示式過為與虎近混

淪乎無良賓客憂一作齒害馬之徒苟活為幸可

嘿息已作詩示宗武一作文誦

長夏無所為客居課奴一作童僕清晨飯其腹一作腸

持斧入白谷青冥曾巔後十里斬陰木人肩四根已亭

午下山麓尚聞丁丁穀功課日各足蒼皮成委積吳本

作積委素節相照燭藉汝跨小籬當仗一作杖一云材

苦一作云若虛竹空荒咆熊羆乳獸待人肉不示知禁情

豈惟干戈哭城中賢府主當是柏都督處貴如白屋蕭

蕭理體淨蜂蠆不敢毒虎穴連里閭隄防舊風俗泊舟  
滄江岸久客慎所觸舍西崖嶠壯雷雨蔚舍蓄墻宇資  
屢修衰年怯幽獨爾曹輕熟熟為我恐煩促秋光近青  
岑季月當泛菊報之以微寒共給酒一斛

宋仲晦曰夔人正謂夔州人耳而山谷乃有黑月  
虎夔藩之語此頌又用躩觸按躩踞見魯靈光殿  
賦自為虬龍動貌元無觸義不知山谷何所據也

### 園人送瓜

江間雖炎瘴瓜熟亦不早拍公鎮夔國滯務茲一作資  
一掃食新先戰士共少及溪一作窮老傾筐蒲鵠青滿  
眼顏色好竹竿接嵌竇引注來鳥道沈浮亂水玉愛惜  
如芝草落刃嚼冰霜開懷慰枯槁許以秋蒂除仍看小  
童一作兒抱東陵一作溪跡蕪絕楚漢休征討園人非  
故侯種此何草草

會出米信行遠修水筒

原注別水筒

日動...

汝性不如葦清靜僕夫內秉心識本一作根源於事少

滯礙雲端水筒圻林表山石碎觸熱藉子修通流與厨  
會往來四十里荒險崖谷大日曛驚未餐一作食貌赤  
媿相對浮瓜供老病裂餅嘗所愛於斯答恭謹足以殊  
殿最詎要方士符何假將軍蓋高麗本作佩行諸直如  
筆用意崎嶇外不謂開創想詩詩舊以好筆新以書  
知陳子槐葉冷淘青青高槐葉采掇付中厨新麩來近市汁滓宛相俱入  
鼎資過熟加餐愁欲無碧鮮俱照筋香飯兼苞蘆經齒

冷于雪勸人投此一作此珠願隨金駮裹走置錦屠蘇

又作瘡麻路遠思恐泥興深終不渝獻芹則小小薦藻

明區區萬里露寒殿開冰清玉壺君王納涼晚此味亦

時須

行官張望補稻畦水歸行官是行田者韓愈書有行官自南來

東屯大江北一云枕大江百頃平若按六月青稻多千

畦碧泉亂插秧適云已引溜加溉灌更僕往方塘決渠

當斷岸公私各地著浸潤無天旱主守問家臣分明

作朋見溪伴一作畔芊芊一作芊芊芊芊一作芊芊烟翠羽

剌剌生一作向銀漢鷗鳥鏡裏來關山雲邊看秋菰成

黑米精一作穀傳一作傳白粲玉粒足晨炊紅鮮任

霞散鮮于注江湖人謂江米曰紅鮮又曰紅鮮謂魚色

之鮮如霞也淮南吳越人有此終然添旅食作苦期壯

觀遺德及衆多我倉戒滋蔓王階王和王

催宗文樹雞柵

吾衰怯行邁旅次展崩迫愈風傳烏雞秋卵方漫喫自

春生成者隨母向百翮驅趨制不禁喧呼山腰宅課奴

殺青竹終日憎一作增晉作帽赤幘踏藉盤按翻塞蹊

使之隔牆東有隙晉作間散地可以樹高柵避熱時來

晉作未歸問兒所為跡織籠曹其內令入不得擲稀間

可一作苦突過甯爪還污席我寬螻蟻遭彼免狐貉厄

應宜各長幼自此均勅敵籠柵念有修近身見一作知

損益明明領處分一一當剖折不昧風雨晨亂離減憂

感其流則凡鳥其氣心匪石倚賴窮歲晏撥煩去一作及

及冰釋未似尸鄉翁拘留蓋阡陌

園官送菜

并序

園官送菜把本數日闕矧苦苜馬齒掩乎嘉蔬傷

小人妬害君子菜不足道也此而作詩

清晨蒙

一作送

菜把常荷地主恩守者愆實數略有其

名存苦苜刺如針馬齒葉亦繁青青嘉蔬色埋沒在

作自中園園吏未足怪世事固堪論嗚呼戰伐久荆棘

暗長原乃知苦苜輩傾奪蕙草根小人塞道路為態何

喧喧又如馬齒盛氣擁葵荏昏點染不易虞絲麻雜羅

紈一經器

一作氣

物內永挂麤刺痕志士採紫芝放歌

避戎軒畦丁負籠至感動百慮端

上後園山脚

朱夏熱所嬰清旭

一作旦

步北林小園背高岡挽葛上

崎崿曠望延駐目飄颻散踈襟潛鱗恨水

翼依雲深勿謂地無疆劣於山有陰石標

兼浮沉自我登隴首十年經碧岑

倚

入隴右至大曆二年為十年劔門來巫峽薄倚浩至今

故園暗戎馬骨肉失追尋時危無消息老去多歸心志

士惜白日久客藉黃金敢為蘇門嘯庶作梁父吟

未及驅豎子摘蒼耳即卷之六林山園詩高同

江上秋已分林一作村中瘴猶劇畦丁告勞苦無以供

日夕蓬莠獨不一作猶焦野蔬暗泉石卷耳况療風

童兒且時摘一作童僕洗時摘侵星驅之去爛熳任遠

適放筐亭一作當午際洗剝相蒙幕夢弼曰謂洗其土

剝其毛以筐盛而中覆之也登牀半生熟下筋還小益

加點瓜薤間依稀橘一作木奴跡亂世誅求急黎民糠

粇窄飽食復何心荒哉膏粱客富家厨肉臭戰地骸骨

白寄語惡少年黃金且休擲對音語韻當同四九舉必

秋行官張望督促東渚耗一作刈稻向畢清晨

遣女奴阿稽豎子阿段往問對對音韻不無入

東渚雨今足佇聞粳稻香上天無偏頗蒲稗各自長人

情見非類田家戒其荒功夫競搨搨除草置岸旁穀者

命之一云今士本客居安可忘青春具所務勤墾免亂

常吳牛力容易並驅去動莫當一云紛遊場豐苗亦已

概雲水照方塘有生固蔓延靜一資隄防督領不無人

提攜一作挈頗在網荆揚風土暖肅肅候微霜尚恐主

守踈用心未甚臧清朝遣婢僕寄語踰崇岡西成聚必

散不獨陵我倉豈要仁里譽感此亂世忙北風吹蒹葭

蟋蟀近中堂荏苒百工休鬱紆遲暮傷言末息黎民

阻雨不得歸灤西甘林一作甘林

三伏適已過驕陽化為霖欲歸灤西宅阻此江浦深壞

舟百板圻峻岸復萬尋篙工初一棄恐泥勞寸心佇一作

作倚立東城隅悵望高飛禽草堂亂玄圍不隔崑崙岑

昏渾衣裳外曠絕同層陰園甘長成時三寸如黃金諸

侯舊上計厥貢傾千林邦人不足重所迫豪吏侵客居

暫封殖日夜偶瑤琴虛徐五株態側塞煩胸襟焉得一

作能輟兩一作雨足杖藜出嶮欽條流數翠實偃息歸

碧潯拂拭烏皮几喜聞樵牧音令兒快搔背脫我頭上

簪

雨一本合下音

峽雲行清曉煙霧相徘徊風吹蒼江樹梅菴作去雨灑

石壁來淒淒生餘寒殷殷兼出一作山雷白谷變氣候

朱炎安在哉高鳥濕不下居人門未開楚宮久已滅幽

珮為誰哀侍臣書王夢賦有冠古才冥冥翠龍駕高唐

賦規為旌翠為蓋多自巫山臺

三為雨二首

青山澹無姿白露誰能數片片水止雲蕭蕭沙中雨殊

俗狀巢居曾臺俯風渚佳客適萬里沉思情延佇挂帆

遠色外驚浪滿吳楚夕陰蛟螭出寇盜一云寇復幾

許許公山中宵陰微冷先枕席迴風起清曙一作曉萬象萎

已碧落落出岫雲渾渾倚天石日假何道行雨含長江

白連檣荊州船有士荷矛戟南防草鎮慘霑濕赴遠役

群盜下辟山總戎備強敵水深雲光廓鳴櫓各有適漁

艇息一作自悠悠夷歌負樵客留滯一老翁書時記朝

夕

晚登灤上堂

故躋灤岸高頗免崖石擁開襟野堂豁繫馬林花動雉

堞粉如雲山田麥無壟春氣晚更生江流靜猶湧四序

嬰我懷群盜久相踵黎民困逆節天子渴垂拱所思注

東北深峽轉修聳衰老自成病郎官未為冗妻其望呂

葛不復夢周孔濟世數嚮時斯人各枯冢蓋指房瑄張

鎬嚴武之流公所相期濟世者也楚星南天黑蜀月西

霧重安得隨鳥翎迫此懼將恐

又上後園山脚

昔我遊山東憶戲東嶽陽窮秋立日觀矯首望八一作云

北荒朱崖著毫髮碧海吹衣裳蓐收困用事玄冥一作蔚強

梁逝水自朝宗鎮名各其方平原獨憔悴農力廢耕桑

非關一作北關風露凋曾是戍役傷於時國用富足以

守邊疆朝廷任猛將遠奪戎虜場到今事反覆故老淚

萬行龜蒙不復見况乃懷舊一作故鄉肺萎屬久戰骨  
出熱中腸憂來杖匣劍更上林北岡瘴毒猿鳥落峽乾  
南日黃秋風亦已起江漢始如湯登高欲有往蕩析川  
無梁哀彼遠征人去家死路旁不及祖父塋纍纍塚相  
當

雨

山雨不作塗江雲薄爲霧晴飛半嶺鶴風亂平沙樹明  
滅洲景微隱見巖姿露拘悶出門遊曠絕經目趣消中

日伏枕卧久塵及屨豈無平肩輿莫辨望鄉路兵戈浩  
未息虵虺反相顧悠悠邊月破鬱鬱流年度鍼灸阻朋  
曹糠粃對童孺一命須屈色新知漸成故窮荒益自卑  
飄泊欲誰訴疋羸愁應接俄頃恐違一作危迂浮俗何  
萬端幽人有獨誤作高步龐公竟獨往尚子終罕遇宿  
留洞庭秋天寒瀟湘素杖策可入舟送此齒髮暮

捨舟越西岡入林解我衣青芻適馬性好鳥知人歸晨

光映遠岫夕露見日晞遲暮少寢食清曠喜荆扉經過  
倦俗態在野無所或違試問甘藜藿未肯羨輕肥  
喧靜不同科出處各天機勿矜朱門是陋此白屋非明  
朝步鄰里長老可以依時危賦歛數脫粟為爾揮相攜  
行萱田秋花靄菲菲子實不得喫貨市送王畿盡添軍  
旅用迫此公家威主人長跪問我馬何時稀我衰易悲  
傷屈指數賊圍勸其死王命慎莫遠奮飛

雨

行雲遞崇高飛雨霑而至潺潺石間溜汨汨松上駛亢  
陽乘秋熟百穀皆一作亦已棄皇天德澤降焦卷有生  
意前雨傷卒暴今雨喜容易不可無雷霆間作鼓增氣  
佳聲達中宵所望時一致清霜九月天髣髴見滯穗郊  
扉及我私一作耘栽我圃日蒼翠恨無抱甕力庶減臨  
江費果若本注峽內無井取江水喫

種萬莖

并序按萬莖江東

既雨已秋堂下理小畦隔種一兩席許萬莖向二

旬矣而苞不甲坼伊人一作獨野莧青青傷時君  
子或晚得微祿輒軻不進因作此詩

陰陽一錯一作屯亂驕蹇不復理枯旱于其中炎方慘

如燬植物半蹉跎嘉生將已矣雲雷歛奔命師伯集所

使指麾赤白日頽洞青光一作雲色起雨穀先已晉作

以風散足盡西靡山泉落滄江霹靂猶在耳終朝紆颯

沓信宿罷瀟灑堂下可以畦呼童對經始苞兮蔬之常

隨事藝其子破塊數席間荷鋤功易止兩旬不甲坼空

惜埋泥滓野莧迷汝來宗生

吳都賦宗生高岡旋茂幽

阜實於此此輩豈無秋亦蒙寒露委翻然出地速滋蔓

戶庭毀因知邪干正掩抑至沒齒賢良雖得祿守道不

封已擁塞敗芝蘭衆多盛荆杞中園陷蕭艾老圃永爲

耻登于白玉盤藉以如霞綺莧也無所施胡顏入筐篚

四惟暇日小園散病將種秋菜督勒耕牛兼書觸目

不愛入州府畏人嫌我真及乎歸茅宇一作及歸在茅

屋旁舍未曾嗔老病忘一作恐拘束應接喪精神江村

意自一作日放材林木心所欣秋耕屬地濕山雨近甚  
勻冬膏飯之半牛力晚一作曉來新深耕種數畝未甚  
後四鄰嘉蔬既不一名數頗具陳荆巫非苦寒採擷接  
青春飛來兩白鶴暮啄泥中芹雄者左翮垂損傷已露  
及一作及筋一步再流血尚經一作驚贈繳勤三六號  
叫志屈悲哀頻鸞凰不相待側頸訴高旻杖藜俯沙渚  
為汝鼻酸辛

唐詩卷一百二十二

杜工部古詩居夔州作

八哀詩并序

傷時盜賊未息興起王公李公歎舊懷賢終于張

相國八公前後存沒遂不詮次焉

天山公贈司空王公思禮高麗人

司空出東夷童稚刷勁翮追隨燕薊兒穎銳一作云脫物

不隔服事哥舒翰意無一作氣無流沙磧未甚拔行間

犬戎大充斥短小精悍姿屹然強寇敵貫穿百萬衆出  
入由咫尺馬鞍懸將首甲外控鳴鏑洗劍青海水刻銘  
天山石九曲非外蕃其王轉深壁飛兔不近駕鷲鳥資  
遠擊曉達兵家流飽聞春秋癖胸襟日沉靜肅肅一作蕭蕭  
蕭蕭自有適潼關初潰散萬乘猶辟易偏裨無所施元  
帥見手格太子入朔方至尊狩梁益胡馬纏伊洛中原  
氣甚逆肅宗登寶位塞望勢敦迫一作逼公時徒步至  
請罪將厚責際會清河公間道傳玉冊清河公房琯也

時自蜀奉太上皇冊命至諫上以為可收後効遂釋之

天王拜跪畢讜議果冰釋翠華卷飛雲一作飛雲中熊

虎亘阡陌屯兵鳳凰山帳殿涇渭關金城賊咽喉詔鎮

雄所搯禁暴清一作靖一作靜無雙爽氣春浙瀝巷有

從公歌野多青青麥及夫哭廟後復領太原役恐懼祿

位高悵望王土窄不得見清時嗚呼就窀穸一作窆

繫五湖舟悲甚田橫客千秋汾晉間事與雲水白昔觀

文苑傳豈述廉藺績一作蹟嗟嗟一作諾諾鄧大夫士

卒終倒戟鄧景山為太原尹為軍家所殺

故司徒李公光弼光弼已封王贈太保稱曰從者以其功著

廣德二年七月卒

司徒天寶末北收晉陽甲胡一作獷騎攻吾城愁寂意

不愜人安若泰山薊北斷右脅朔方氣乃一作多蘇黎

首見帝業二宮泣西郊九廟起頽壓未散河陽卒思明

偽臣妾復自碣石來火焚乾坤獵高視笑祿山公又大

獻捷一云獻大捷異王冊崇勲小敵信所怯擁兵鎮河

汴千里初安帖青蠅紛營營風雨秋一作葉內省

未入朝死淚終映睫天屋去高棟長城掃遺堞平生白

羽扇零落蛟龍匣雅望與晉作數英姿惻愴槐里接三

軍晦光彩烈士痛稠疊直筆在史臣將來洗箱篋吾思

哭孤冢南紀阻歸楫扶顛永蕭條未濟失利涉疲榮竟

何人洒涕巴東峽

贈左僕射鄭國公嚴公武小山事文士國書

永泰元年卒

杜工部古詩

卷一百二十三

三

杜子茶後底知歸

挺

鄭公瑚璉器華岳金天晶唐詩華岳碑昔在童子日已聞老成名嶷

然大賢後復見秀骨清開口取將相小心事友生閱書

百紙一作云氏盡落筆四座驚歷職匪父任嫉邪常力爭

漢儀尚整肅胡騎忽縱橫飛傳自河隴逢人問公卿不

知萬乘一作乘輿出雲涕風悲鳴受詞劍閣道謁帝蕭

關城寂寞雲臺仗飄飄沙塞旌江山少使者笳鼓凝皇

情壯士血相視一作見忠臣氣不一作未平密論貞觀

體揮發岐陽征感激動四極聯翩收二京西郊牛酒再

一作至原廟丹青明匡汲俄寵辱衛霍竟哀榮四登會

府地三掌華陽兵京兆空柳色一作市尚書無履殺群

鳥自朝夕白馬休橫行諸葛蜀人愛文翁儒化成公來

雪山重公去雪山輕記室得何遜韜鈴延子荆四郊失

壁壘虛館開逢迎堂上指圖一作書畫軍中吹玉笙豈

無成都酒憂國只細傾時觀錦水釣問俗終相并意待

犬戎滅人藏紅粟盈以茲報主願庶或一作獲禪世程

炯炯一心在沉沉二豎嬰顏回竟短折賈誼徒忠貞飛

旄出江漢孤舟轉荆衡虛無舊本作虛為時本作虛橫

橫字蓋公自况也馬融笛悵望龍驤空餘老賓客身

上愧簪纓

贈太子太師汝陽郡王璡

天寶九載卒

汝陽讓帝子眉宇真天人虬鬚似太宗色映塞外一作

寒夜春往者開元中主恩視遇頻出入獨非時禮異見

羣臣愛其謹潔極倍此骨肉親從容聽一作退朝後或

在風雲晨忽思格猛獸苑囿騰清塵羽旗動若一萬馬

肅駘駘詔王來射鴈拜命已挺身箭出飛鞞內上又一作

作入回翠麟翻然紫塞翻下拂明月輪胡人雖獲多天

笑不為新王每中一物手自與金銀袖中諫獵書扣馬

父上陳竟無銜屨虞聖聰一作慈矧多仁官免供給費

水有在藻鱗匪唯帝老大皆是王忠勤晚年務置醴門

引申白賓道大容無能永懷侍芳茵好學尚貞烈義形

必需巾揮翰綺繡揚篇什若有神川廣不可泝墓久孤

抵

兔鄰宛彼漢中郡

王弟漢中王瑀

文雅見天倫何以開

一作慰我悲泛舟俱遠津温温昔風味少壯已書紳舊

遊易磨滅衰謝增

一作多

酸辛王少

人上新書贈秘書監江夏李公邕

長嘯宇宙間高才日陵

一作淪

替古人不可見前輩復

誰繼憶昔李公存詞林有根抵穀華當健筆灑落富清

製風流散金石追琢山岳銳情窮造化理學貫天人際

干謁走其門碑版照四裔各滿深望還森然起凡例蕭

蕭白楊路洞微

晉作洞輒

寶珠惠龍宮塔廟湧

一作湧

浩劫浮雲

一作空

衛宗儒俎豆事故吏去思計眇眇已

皆虛跋涉曾不泥向來映當時豈獨

一作特勸後世豐

屋珊瑚鈎騏驎織成罽紫駟隨劔几義取無虛歲分宅

脫駭間感激懷未濟眾歸凋給美擺落多藏

晉作藏穢

獨步四十年風聽九臯嗾嗚呼江夏姿竟掩宣尼袂往

者武后朝引用多寵嬖否臧太常議面折二

晉作三張

勢衰俗凜生風排蕩秋旻霽忠貞負寬

晉作忠

恨宮闕

深旒綴放逐早聯翩低垂困炎厲日斜鵬鳥入鬼斷蒼

梧帝榮一作策枯走不暇星駕無安稅幾分漢廷竹夙

擁文侯篲終悲洛陽獄事近小臣敵一作斃禍階初負

謗易力何深齊伊昔臨淄亭酒酣托末契重叙東都別

朝陰改軒砌論文到崔蘇指晉作推盡永逝近伏盈川

雄揚炯未其特進麗李嶠是非張相國燕公說相扼一

危脆爭名古豈然鍵捷英華作關鍵注去鍵捷二字廣

韻通用歛不閉例一作倒及吾家詩曠懷掃氛翳慷慨

歛

味

嗣真作和李大夫咨嗟玉山桂鍾律儼高懸鯢鯨噴迢

遶坡陀青州血蕪沒汶陽瘞哀贈竟蕭條恩波延揭厲

子孫存如綫舊客舟凝滯君臣尚論兵將帥接燕薊朗

咏六公篇張桓等五王洎秋相六公憂來豁蒙蔽

舊書豈早擅才名尤長碑頌雖貶職在外中朝衣

冠及天下寺觀多齋持金帛往求其文前後所製

凡數百首受納饋遺多至鉅萬時議以為自古鬻

文獲財未有如邕者

趙明誠金石錄唐六公詩李邕撰胡履靈書余初  
讀八哀詩恨不見其詩晚得石本其文詞高古真  
一代佳作也六公者五王各爲一章狄丞相爲一  
章董道書跋云李北海六公咏今泰和集中雖有  
詩而無其姓名又其說一章不盡或遺余荊州六  
公咏石刻文旣不刊故得盡存可以序載于此五  
王皆狄公所進故邕歎其成大功者六人詩尤奇  
偉豪氣激發如見斷鰲立極時至今讀之令人想

望風采宜老杜有云余見邕他文亦不若是壯厲  
警拔殆感憤而作故氣激于內而橫放于外者也

序言邕爲荊州今新舊書皆不書

窺曰論文以下論其文也揚李崔蘇邕同時文筆  
之士邕之論文也嘆崔蘇之已逝伏盈川而特  
進與燕公之論相合燕公首推盈川次及崔李世  
皆嘆其是非之當何至于邕則相掩不少貸蓋崔  
李已皆沒而邕獨與說爭名說雖忘刻亦邕之露

才揚已有以取之盧藏用所以致戒于干將莫邪也  
也關鍵歛不閉用老子道經之言也例及以下論其時也  
邕之詩可以接踵我祖六公之篇可以追配嗣真之作  
所謂鍾律儼高懸鯤鯨噴迢遞也膳部之歿也李嶠以下請加命武平一為表土之邕  
既子孫如綫而已則舊客凝滯此所以感今追昔而不能自己于哀也

聖祖故秘書少監武功蘇公源明

武功少也孤徒步客

一作寓

徐充讀書東岳中十載考

墳典時下萊蕪郭忍饑浮雲嶽負米晚為身每食臉必

泫夜字照蕪薪垢衣生

一作帶

碧薛庶以勤苦志報茲

劬勞顯

一作願

學蔚醇儒次文包舊史善灑落

一作淚

辭幽人歸來潛京輦射君東堂策

魯作射策君東堂

宗

匠集精選制可題

一作制題

墨未乾乙科

一作休

大闡文章日自負吏祿

晉作椽吏

亦累踐晨趨閭闔內

足踏宿昔趼一麾出守還黃屋朔風卷不暇陪八駿虜

賦 終

庭悲所遣平生滿樽酒斷此朋知展憂憤病二秋有恨

石一作不可轉肅宗復社稷得無逆順辨范曄顧其兒

李斯憶黃犬秘書茂松意文苑英華云秘書茂松色屢

危祠壇墀前後百卷文枕藉皆禁鬻篆刻楊雄流溟漲

本末淺王仲正本屢危作再從篆刻作制作溟漲本末

淺青熒芙蓉劍犀兕豈獨剽反為後輩襲予實苦懷緬

煌煌齋房芝事絕萬手奪垂之俟來者正始微一作貞

避嫌名勸勉不要一作惡懸黃金胡為投乳一作亂贗

結交三十載吾與誰遊行滎陽復冥冥罪罟已橫罟音

清清嗚呼子逝日始泰則音作即終蹇長安米萬錢凋喪

盡餘喘戰伐何當解歸帆阻清沔尚纏漳水疾永負蒿

里錢

故著作郎貶台州司戶滎陽鄭公虔

鷄鷓至魯門不識鐘鼓饗孔翠望赤霄愁思一作入雕

籠養滎陽冠眾儒早聞名公賞地崇士大夫况乃氣精

爽往者公在疾蘇許公頽位尊望重素未相識早愛才

杜工部古詩 卷一百二十三 十

榮

氣清

名躬自哀問後結忘年之契遠邇嘉之天然生知姿學

立游夏上神農極闕漏黃石愧師長藥纂纂西極一作域

名兵流指諸掌公著蒼葢等諸書之外又撰胡本草七

卷貫穿無遺恨蒼葢取何技癢圭臬星經與虫蠹豕丹青廣

子雲窺未遍方朔諧太狂神翰顧不一體變鍾兼兩文

傳天下口大字猶在榜昔獻書畫圖新詩亦俱往滄洲

動玉陛宣一作寡鶴誤一響三絕自御題四方尤所仰

嗜酒益疎放彈琴視天壤形骸實土木親近唯几杖未

圭臬 圭以測日景 法在奉 皇以平水 行圭臬下

明皇題其詩与書白書白鄭 虔三絕

曾寄魯作記官曹突兀倚書幌晚就芸香閣胡塵昏缺

莽反覆歸聖朝點染無滌盪老蒙台州掾泛泛葉華作

遐泛澗江槩履穿四明雲飢拾猶溪椽空聞紫芝歌不

見杏壇丈天長眺東南秋色餘翹翹別離慘至今斑白

徒懷曩春深秦一作秦山秀葉陸清渭朗劇談王侯門

野稅林下鞅操紙終夕酣時物集遐想詞場竟疎闊平

昔濫吹晉作咨 咨一作推獎百年見存没牢落吾安放一作傲 傲蕭

條阮咸在出處同世網他日訪江樓含悽述飄蕩著作 今

雅序會粹

與今秘書監鄭君審篇翰齊價謫江陵故有阮咸樓之  
句  
福江陵故有阮咸江樓之句

新書虔學長于地理山川險易方隅物產兵戎衆  
寡無不詳常爲天寶軍防錄言典事該諸儒服其  
善著書封演聞見記天寶中協律郎鄭虔採集異  
聞著書八十餘卷人有竊窺其草藁告虔私修國  
史虔聞而遽焚之由是貶謫十餘年方從調選授  
廣文館博士虔所著書既無別本後更纂錄率多

遺忘猶成四十餘卷書未有名及爲廣文博士詢  
于國子司業蘇源明源明請名會萃取爾雅序會  
萃舊說也西河太守盧象贈虔詩曰書名會粹才  
偏逸酒號屠蘇味更醇卽此之謂也高元之曰虔  
自謂著書雖多皆碎小之事也後人傳寫誤爲會  
粹唐新書曰名其書爲會粹則誤矣

故右僕射相國

英華有曲江二字

張公九齡

開元二十八年七月卒

相國生南紀金璞無留礦仙鶴下人間獨立霜毛整矯

然江海一作漢思復與雲路永寂寞想土一作玉階未

遑等箕頰上君白玉堂倚君金華省碣石一作竭力歲

崢嶸天地一作池日蛙黽退食吟大庭何心記一作託

榛梗骨驚畏曩哲鬢一作鬚變負人境雖蒙換蟬冠右

地慙多幸敢忘一作志二疏歸痛迫蘇耽并紫綬一作

金紫映暮年荆州謝所領庾公興不淺黃霸鎮每靜賓

客引調同諷詠在務屏詩罷地有餘一云詩地能有餘

篇終語清省一陽發陰管淑氣含公鼎乃知君子心用

才文章境散帙起翠螭倚薄巫廬並綺麗玄暉擁牋誄

任昉騁自我一作成一家則一作削未缺隻字警千秋

滄海南名繫朱鳥影歸老守故林戀闕情一作嘗延頸

波濤良史筆蕪絕大庾嶺何時禮數隔制作難上請再

讀徐孺碑猶思理烟艇

九齡家傳九齡母夢九鶴自天而下飛集于庭遂

生九齡

寫懷二首

勞生共乾坤何處異風俗冉冉自趨競行行見羈束無  
 貴賤不悲無富貧亦足萬古一骸骨鄰家遞歌哭鄙夫  
 到巫峽三歲如轉燭全命甘留滯忘情任榮辱朝班及  
 暮齒日給還脫粟編蓬石城東採藥山北一作林谷用  
 心霜雪間不必條蔓綠非關故安排曾是順幽獨達士  
 如弦直小人似鈎曲曲直我不知負暄候樵牧  
 夜深坐南軒明月照我鄰驚風翻河漢梁棟已出日一作

作日已出羣生各一宿飛動自儔匹吾亦驅其兒營營

為私實晉作室天寒行旅稀歲暮日月疾榮名忽一云

惑中人世亂如蟣虱古者三皇前滿腹志願畢胡為有

結繩陷此膠與漆禍首燧人氏厲階董狐筆君看燈燭

張轉使飛蛾密放神八極外俯仰俱蕭瑟終契如往還

一云終然契真如得匪合仙術一作歸匪金仙術

可歎

天上浮雲如一作似白衣斯須改變如蒼狗古往今來

共一時人生萬事無不有近者抉眼去其夫陳作昧河

東女兒身姓柳丈夫正色動引經豐城客子王季友群

書萬卷常暗誦孝經一通看在手貧窮老瘦家賣屐

作履好事就之為携酒豫章太守高帝孫引為賓客敬

頗久聞一作閻道三年未曾語小心恐懼閉其口太守

得之更不疑人生反覆看亦醜明月無瑕豈容易紫氣

鬱鬱猶衝斗時危可仗真豪俊二人得置君側否太守

頃者領山南邦人思之比父母王生早曾拜顏色高山

之外皆培塿用為義和天為成用平水土地為厚王也

論道阻江湖李也丞疑曠前後死為星辰終不滅致君

堯舜焉肯朽吾輩碌碌飽飯行風后力牧長迴首

困學記聞季友肅代間詩人也殷璠謂其詩放蕩

愛奇務險然而白首短褐錢起有贈季友赴洪州

幕下詩云列郡皆用武南征所從誰諸侯重才畧

見子如瓊枝即豫章賓客之事也潘淳詩話元結

篋中集載季友數詩殊高古唐江西新童子記題

名云使兼御史中丞李勉兼監察御史王季友蓋  
勉罷京兆尹以御史中丞歸兩臺出為江西觀察  
使故結銜如此于邵送王司議季友赴洪州序云  
洪州之為連率舊矣朝廷重于鎮定咨爾宗枝勉  
移獨坐之權實專方面之寄是以王司議得為副  
車况嘉彼數賢為之督理潘淳曰高帝孫者李勉  
也鄭惠王元懿生安德郡公琳琳生擇言擇言生  
勉

觀公孫大娘弟子舞劍器行

并序

大曆二年十月十九日夔府別駕元持

一作特宅

見臨穎李十二娘舞劍器壯其蔚跂問其所師

一本

本此下有荅字

曰余公孫大娘弟子也開元三載

一作五載時公年六歲公七齡思即壯六歲觀劍

似無不可詩云五十年間似反掌自開元五年至

是年凡五十一年草堂注云疑作十二載誤也余

尚童稚記於郾城觀公孫氏舞劍器渾脫瀏離頓

挫獨出冠時自高頭宜春梨園二伎一作教坊內

人洎外供奉曉是舞者聖文神武皇帝初公孫一

人而已玉貌錦一作綉衣况余白首今茲弟子亦

匪盛顏既辨其由來知波瀾莫二撫事慷慨聊為

劍器行往者吳人張旭善草書書帖數常於鄴一作

作葉縣見公孫大娘舞西河劍器自此草書長進

豪蕩感激即公孫可知矣

昔有佳人公孫氏一舞劍器動四方觀者如山色沮喪

天地為之久低昂燿音酷如羿射九日落矯如羣帝驟

龍翔來一作來如雷霆收震怒罷如江海疑清光絳唇

珠袖兩寂寞况陳作脫有弟子傳芬芳臨穎美

人在白帝妙舞此曲神揚揚與余問答既有以感時撫

事增惋傷先帝一作皇侍女八千人公孫劍器初第一

五十年間似反掌風塵傾動一作灑灑洞昏王室梨園子

弟散如烟女樂餘姿映寒日金粟堆南木已拱瞿唐石

城草一作暮蕭瑟玳筵急管曲復終樂極哀來月東出

老夫不知其所往足繭荒山轉愁疾一作寂

明皇雜錄天寶中上命宮女數百人爲梨園弟子皆居宜春北苑上素曉音律時有馬仙期李龜年賀懷智皆洞曉音度安祿山從范陽入覲亦獻白玉簫管數百事皆陳于梨園自是音響遂不類人間諸公主洎虢國以下競爲貴妃弟子每授曲之終皆廣有進奉時有公孫大娘者善舞劍能爲鄰里曲及裴將軍滿堂勢西河劍器渾脫遺妍妙皆

冠絕于時也又曰開元中有公孫大娘善舞劍器僧懷素見之草書遂長蓋壯其頓挫勢也歷代名畫記開元中裴旻善舞劍吳道玄觀旻舞畢揮毫益進時又有公孫大娘亦善舞西河劍器渾脫張旭見之因爲之草書杜甫歌行述其事是知書畫之藝皆須意氣而成亦非懦夫所能作也

往在

往在西京日一作時胡來滿彤一作丹宮中宵焚九廟

雲漢為之紅解瓦飛十里總帷紛一作粉曾空疚心惜

木主一一灰悲風合昏排鐵騎清旭散錦驀廣韻驢子

甲驃祿山陷兩京以橐駝運御府珍寶于范陽故曰散

錦驀舊注改作錦幪非是賊臣表逆節晉作帥相賀以

成功是時妃嬪戮連為糞土叢當宁陷玉座白間剝畫

蟲不知二聖處私泣百歲翁車駕既云還楹桷歛穹崇

故老復涕泗祠官樹椅桐宏壯不如初已見帝力雄前

春禮郊廟祀事親聖躬微軀忝近臣景從陪羣公登階

捧玉冊裁冕耿一作聆金鍾侍祠慙先露一作霑掖垣

邇濯龍天子惟孝孫五雲起九重鏡奩換粉黛翠羽猶

葱隴前者厭羯胡後來遭犬戎俎豆腐一作鸞臠肉果

愚行角弓安得自西極申命空山東盡驅詣闕下士庶

塞關中主將曉逆順元元歸始終一朝自罪已一云罪

已已萬里車書通鋒鏑供鋤犁征戍聽所從冗官各復

業土著還力農君臣節儉足朝野歡呼一作娛同中興

似一作此國初繼體如太宗端拱納諫諍和風日冲融

赤墀櫻桃枝隱映銀絲籠千春薦陵寢永永垂無窮京  
都不再火涇渭開愁容歸號故松柏老去苦飄蓬

昔遊

昔者與高李

李白

通白晚

一作同登單父臺寒蕪際碣石萬

里風雲來桑柘葉如雨飛藿去一作共徘徊清霜大澤

凍禽獸有餘哀是時倉廩實洞達寰區一作瀛開猛士

思滅胡將帥望三台君王無所惜駕馭英雄材幽燕盛

用武供給亦勞哉吳門轉粟帛泛海陵蓬萊肉食一作

作四十萬獵射起黃埃隔河憶長眺青歲已摧頽不及

少年日無復故人孟賦詩獨流涕亂世想賢才有一作

君能市駿骨莫恨少龍媒商山議得失蜀主脫嫌猜呂

尚封國邑一云內國似指房公罷相後冊封清河郡公

也言國邑雖封而相業則已矣楚山以下自傷其不遇

也其文意似斷續不可了所謂定哀多微詞再傳說已

鹽梅景晏楚山深水鶴去低回龐公任本性携子卧蒼

苔

市駿以下言果能求賢則商山諸葛呂尚傳說之流世豈少其父我惟南溟泊楚山行當為龐公高隱耳

壯遊

往昔一作者十四五出遊一作入翰墨場斯文崔魏徒

崔鄭州尚魏豫州啟心以我似一作比班揚七齡思郎

壯開口詠鳳凰九齡書大字有作成一囊性豪業嗜酒

嫉惡懷剛腸脫畧一作落小時輩結交皆老蒼飲酣視

八極俗物都茫茫東下姑蘇臺已具浮海航到今有遺

恨不得窮扶桑王謝風流遠闔廬丘墓荒劍池石壁仄

長洲荷菱香嗟我閭門北清廟映廻一作池塘每趨吳

作

太伯撫事淚浪浪枕戈憶勾踐渡浙想秦皇蒸魚聞七

首除道哂要章越女天下白鑑湖五月涼剡溪蘊秀異

欲罷不能忘歸帆拂天姥中歲貢舊鄉氣劇屈賈壘日

一作日短曹劉牆忤下考功第獨辭京尹堂放蕩齊趙

間裘馬頗清狂春歌叢臺上冬獵青丘旁呼鷹阜一作

紫櫪一作櫪林逐獸雲雪岡射飛曾縱鞚引一作云跋臂

落鵝鶴蘇侯據鞍喜監門曹曹蘇預忽如携葛強快意

八九年西歸到咸陽許與必詞伯賞一作貴遊寶賢王

曳裾置醴地奏賦入明光天子廢食召羣公會軒裳脫  
身無所愛一作受痛飲信行藏黑貂不一作寧免弊斑  
鬢兀稱觴杜曲晚一作挽耆舊四郊多白楊坐深鄉黨  
敬日一作自覺死生忙朱門任一作務傾奪赤族迭罹  
殃國馬竭粟巨官鷄輸稻梁舉隅見煩費引古惜興亡  
河朔風塵起岷山行幸長兩宮各警蹕萬里遙相望  
崆峒殺氣黑少海旌旗黃禹功亦命子涿鹿親戎行翠華  
擁英一作吳岳螭虎噉豺狼爪牙一不中胡兵更陸梁

音

大一作天軍載草草凋瘵滿膏肓備員竊補衮憂憤心  
飛揚上感九廟焚一作毀下憫萬民一作蒼生瘡斯時  
伏青蒲廷爭守御床君辱敢愛死赫怒幸無傷聖哲體  
仁恕宇縣復小康哭廟灰燼中鼻酸朝未央小臣議論  
絕老病客殊方鬱鬱苦不展羽翮困低昂秋風動哀壑  
碧蕙捐一作損微芳之推避賞從漁父濯滄浪榮華敵  
勲業歲暮有嚴霜吾觀鴟夷子才格出尋常羣凶逆未  
定側佇英俊翔

兩宮各警蹕刺靈武之事也禹功亦命子謂肅宗  
自立而後玄宗始加冊命不得比于禹之命子也  
之推避賞從喻己之賞薄而不自言耻與靈武諸  
臣爭功也

遣懷

昔我遊宋中惟梁孝王都名今陳留亞劇則貝魏俱邑  
中九萬家高棟照通衢舟車半天下主客多歡娛白刃  
讐言不義黃金傾有無殺人紅塵裏報答在斯須憶與高

李華

適白

論交入酒壚兩公壯藻思得我色敷腴氣酣

登吹

一作文

臺懷古視平蕪芒碭雲一去雁鷺空相呼

先帝正好武寰海未凋枯猛將收西域長戟破林胡  
高適信安王幕府詩序開元二十年國家有事林胡詔信  
安王總戎大舉舊書開元十九年信安王瑋出范陽之  
北大破奚契丹兩蕃之衆唐會要開元二十六年張守  
珪大破契丹林胡遣使獻捷胡三省曰契丹卽戰國時  
林胡地故云然百萬攻一城獻捷不云輸組練棄如泥

尺土負一作勝百夫拓境功未已元和辭大爐亂離朋

友盡合沓歲月徂吾衰將焉託存沒再嗚呼蕭條益堪

愧獨在天一隅一作云蕭條病益甚塊獨天一隅乘黃已

去矣凡馬徒區區不復見顏鮑繫舟卧荆巫臨殮吐更

食常恐違撫孤

同元使君春陵行有序

覽道州元使君結春陵行兼賊退後示官吏作二

首志之曰當天子分憂之地效漢官舊作朝良吏

之目今盜賊未息知民疾苦得結葦十數公落落

然叅錯天下為邦伯萬物吐晉作姓壯氣天下少

一作小安可得矣一作已不意復見此興體制微

婉頓挫之詞感而有詩增諸卷軸簡知我者不必

寄元晉作云

遭亂髮盡一作遽白轉衰病相嬰一作縈沉綿盜賊際

狼狽江漢行歎時藥力薄為客羸瘵成吾人詩家秀一作

一流博采世上名粲粲元道州前聖畏後生觀乎春陵

作歛見俊哲情復覽賊退篇結也實國損賈誼昔流慟

匡衡常引經道州憂一作哀黎庶詞氣浩縱橫兩章對

秋月一作水一字偕一作皆華星致君唐虞際純樸憶

一作意大庭何時降璽書用爾為丹青獄訟永衰息豈

唯偃甲兵悽惻念誅求薄歛近休明乃知正人意不苟

飛長纓涼颺振南岳之子寵若驚色阻晉作沮金印大

興含滄浪一作漠清我多長卿病日夕思朝廷肺枯渴

太甚漂泊公孫城呼兒具紙筆隱几臨軒楹作詩呻吟

內墨炎字欽傾感皮危苦詞庶幾一作忠

其石粗有鼓形字刻石旁其數有十初在陳倉野中韓愈為博士時清於祭酒歎以教養脫輿致大學不從鄭餘慶

始遷之鳳翔愈以為宣王教章應物以為文王教室刻歐陽脩集古銘始設三疑鄭推摘丞殿二字見於秦斤秦權

而以為秦碑程大昌又云成王之教在傳成有岐陽之蒐室其用也其字乃者吾之師

八分宣王史籍著大篆十五篇與古文異秦李斯雜處草改首為篆程邈獻隸書主於徒隸簡易王次仲作小篆古制

尚骨立書一作畫貴瘦硬方通神惜哉李蔡不復一作

可得吾甥李潮下筆親尚書韓擇木騎曹蔡有鄰開元

已來數八分潮也奄有二子成三人况潮小篆豕逼秦相

蔡邕中五

作歛見俊哲情復覽賊退篇結也實國楨賈誼昔流慟

匡衡常引經道州憂一作哀黎庶詞氣浩縱橫兩章對

秋月一作水一字偕一作皆華星致君唐虞際純樸憶

一作意大庭何時降璽書用爾為丹青獄訟永衰息豈

唯偃甲兵悽惻念誅求薄歛近休明乃知正人意不苟

飛長纓涼颺振南岳之子寵若驚色阻一作沮金印大

興含滄浪一作漠清我多長卿病日夕思朝廷肺枯渴

太甚漂泊公孫城呼兒具紙筆隱几臨軒楹作詩呻吟

內墨淡字欹傾感彼危苦詞庶幾知者聽

### 李潮八分小篆歌

蒼頡鳥跡既茫昧字體變化如浮雲陳倉石鼓文一作

文已訛大小二篆生八分秦有李斯漢蔡邕中間作者

寂不聞嶧山之碑野火焚棗木傳刻肥失真苦縣光和

尚骨立書一作畫貴瘦硬方通神惜哉李蔡不復一作

可得吾甥李潮下筆親尚書韓擇木騎曹蔡有鄰開元

已來數八分潮也奄有二子成三人况潮小篆逼秦相

此乃地... 此乃地... 此乃地...

蔡邕書  
漢光和中

快劍長戟森相向八分一字直百一作千金蛟龍盤擊  
肉屈強吳郡張顛誇草書草書非古空雄壯豈如吾甥  
不流宕丞相中郎丈人行巴東一作江逢李潮逾月求  
我歌我今衰老才力薄潮乎潮乎奈汝何

此下至  
三十一張

金石錄唐惠義寺彌勒像碑李潮八分書潮書初

注全册

不見重于當時獨杜詩盛稱之今石刻在者唯此

碑與彭元曜墓誌其筆法亦不絕工非韓蔡比也

吾衍學古篇云陽冰名潮杜甫之甥後以字行遂

別字少溫海賦云陽冰不冶陰火潛然則知名潮  
有理按陽冰趙郡人太白之從叔寶應元年已爲  
當塗宰吾子行以海賦二語想像其名字宜爾初  
無引據矯亂後學斯亦妄人也已矣王厚之石鼓  
文考正石鼓文周王之獵碣也其鼓有十因其石  
之自然麓有鼓形字刻于其旁石質堅頑類今人  
爲碓磑者其初散在陳倉野中韓吏部爲博士時  
請于祭酒欲以數橐馳輿致太學不從鄭餘慶始

遷之鳳翔孔子廟又曰韓愈以爲宣王鼓韋應物以爲文王鼓宣王刻自歐陽集古錄始設三疑鄭樵摘舛毆二字見于秦斤秦權而指以爲秦鼓僞劉詞臣馬定國以宇文泰常蒐岐陽而指以爲後周物予不得不辯董道曰傳曰成有岐陽之蒐杜預謂還歸自奄乃大蒐于岐陽叔向曰昔成王盟諸侯于岐陽楚爲荆蠻置茅絕宣王蒐岐陽世遂無聞哉方成康與穆賦頌鍾鼎之銘皆番吾之跡

則此爲番吾可知呂氏記曰蒼頡造大篆後世有科斗書則謂篆爲籀漢制八書有大篆又有籀書張懷瓘以柱下史始變古文或異謂之爲篆而籀文蓋以其名自著宣王世史所作也是大篆又與籀異不得定爲史籀所書程大昌雍錄亦云是成王鼓也許氏說文解字序宣王太史籀著大篆十五篇與古文或異秦兼天下李斯作蒼頡篇趙高作爰歷篇胡毋敬作博學篇皆取史籀大篆或頗

省改所謂小篆者也是時官獄職務繁初有隸書  
以趣約易而古文由此絕矣師古曰篆書謂小篆  
始皇使程邈所作也隸書亦程邈所獻主于徒隸  
從簡易也水經注古文出于黃帝之世蒼頡本鳥  
跡為字取其孳乳相生故文字有六義焉自秦用  
篆書焚燒先典古文絕矣魯恭王得孔子宅書不  
知有古文謂之科斗書蓋因科斗之名遂效其形  
耳言大篆出于周宣之時史籀創著平王東遷文

字垂錯秦之李斯及胡毋敬又改籀書謂之小篆  
故有大篆小篆焉然許氏字說專釋于篆而不本  
古文言古隸之書起于秦代而篆字文繁燕會劇  
務故用隸人之省謂之隸書或云卽程邈於雲陽  
增損者是言隸者篆捷也張懷瓘書斷八分者秦  
羽人上谷王次仲所作也水經注曰上郡王次仲  
變蒼頡舊文為今隸書秦王三召不至令檻車送  
之次仲化為大鳥落翮于居庸山中明次仲是秦

人既變蒼頡書卽非效程邈隸也按蔡邕勸學篇  
上谷王次仲初變古形是也始皇之世出其數書  
小篆古形猶存其半八分已減小篆之半隸又減  
八分之半然可云子似父不可云父似子故知隸  
不能生八分矣八分則小篆之捷隸亦八分之捷  
本謂之楷書楷隸初制大範幾同故後人惑之學  
者務之蓋其歲深漸若八字分散故又名之曰八  
分唯蔡伯喈乃造其極焉按郭氏佩觿言蔡邕以

隸作八分體又曰小篆散而八分生八分破而隸  
書出則其言自相矛盾不足據也封演聞見記嶧  
山始皇刻石其文李斯小篆後魏太武登山使人  
排倒之然而歷代摹拓以為楷則邑人疲于奔命  
聚薪其下因野火焚之由是殘缺不堪摹寫然尤  
上官求請行李登涉人吏轉益勞弊有縣宰取舊  
文勒于石碑之上凡成數片置之縣廨須則拓取  
今間有嶧山碑皆新刻之碑也集古錄嶧山碑秦

二世詔李斯篆今俗謂之嶧山碑史記不載其字特大不類泰山存者其本出于徐鉉又有別本出于夏竦家自唐封演已言嶧山碑非真而杜甫直謂棗木傳刻耳金石錄秦嶧山刻石鄭文寶得其摹本于徐鉉刻石置之長安據唐封演所云則人間所有皆新刻之本而杜以爲棗木傳刻豈又有別本歟洪适隸釋老子銘在亳州苦縣苦屬陳國故其文陳相邊韶所作碑云延熹八年八月帝夢

老子尊而祀之帝紀此年春冬兩遣中常侍至苦祀老子水經注載蒙城王子喬碑亦云延熹八年八月帝遣使致祀蓋威帝方修神仙之事故一時郡國競作碑表此石立于延熹無疑杜云苦縣光和誤也金石錄老子銘舊傳蔡邕文并書杜詩云云世云此碑是也然而邊韶延熹八年作非光和中未知甫所云是此碑否近時周越書苑遂以爲韶文而邕書初無所據潘淳曰北岳碑後漢光

二年立苦縣老子廟亦漢碑字刻極勁杜詩謂二碑也洪适云今之言漢字者則謂之隸言唐字者則謂之分不知在秦漢時分隸已兼有之孫根及華山亭碑為漢人八分無疑也按二碑皆立于光和中安知杜所謂光和者非指此耶韓愈科斗書後記愈叔父雲卿當大曆世文辭獨行中朝于時李監陽冰獨能篆書而配叔父擇木善八分竇臯述書賦韓常侍則八分中興伯喈如在光和美古

今遠代昭刻石而成名類神都之冠蓋宣和書譜韓擇木昌黎人官至工部尚書散騎常侍工隸兼作八分字隸學之妙唯蔡邕一人而已擇木能追其遺法風流閑媚世謂邕中興焉述書賦衛包蔡鄰功夫亦到出于人意乃近天造注有鄰濟陽人善八分本拙弱至天寶之間遂至精妙相衛中多其跡書史會要邕十八代孫官至右衛率府兵曹參軍工八分書書法瘦勁驅使筆墨盡得如意國

史補李陽冰善小篆自言斯翁之後至小生曹喜  
蔡邕不足言書斷斯小篆入神大篆入妙伯喈八  
分飛白入神大篆小篆隸書入妙

覽拍中允兼子姪數人除官制詞因述父子兄

### 第四美載歌絲綸

紛然喪亂際見此忠孝門蜀中寇亦甚拍氏功彌存深  
誠補王室戮力自元昆三止錦江沸獨清玉壘昏高名  
入竹帛新渥照乾坤子弟先卒伍芝蘭疊璵璠同心注

師律洒血在戎軒絲綸實具載絃冕已殊恩奉公舉骨

肉誅叛經寒溫

一作暄

金甲雪猶凍朱旗塵不翻每聞

戰場說歎激懦氣奔聖主國多盜賢臣官則尊方當節  
鉞用必絕稂沴音根吾病日迴首雲臺誰再論作歌挹盛  
事推轂期孤騫

### 聽楊氏歌

佳人絕代歌獨立發皓齒滿堂慄不樂響下清虛裏

作浮雲裏

江城帶素月况乃清夜起老夫悲暮年壯士

淚如水玉盃久寂寞金管迷宮徵勿云聽者疲愚智心  
盡死古來傑出士一作事豈待一知己吾聞昔秦青傾  
側天下耳

荆南兵馬使太常卿趙公大食刀歌

太常樓船聲噉嘈問兵刮寇趨陳作起下牢楚地牧出  
令奔飛百艘猛蛟突獸紛騰逃白帝寒城駐錦袍玄冬  
示我胡國刀壯士短衣頭虎毛憑軒拔鞘天為高翻風  
轉日木一作水怒號冰翼雪淡傷哀猱鑄錯碧隄鷓鴣

膏銛鏐

一作銛鏐

已瑩虛

一作靈

秋濤鬼物撇揆辭

陳

作亂坑壕蒼水使者捫赤條龍伯國人罷釣鼈芮公吳

若本注以唐書考之恐是衛伯玉伯玉迴首顏色勞分閭救

世用賢豪趙公玉立高歌起攬環結佩相終始萬歲持

之護天子得君亂絲與君理蜀江如線如針水一作針

如水荆岑彈丸心未已賊臣惡子休干紀魑魅魍魎徒

為耳妖腰亂領敢欣喜用之不高亦不庠不似長劍須

天倚吁嗟光祿英雄弭大食寶刀聊可比丹青宛轉麒

麟裏光芒六合無泥滓

王兵馬使二角鷹

悲臺蕭颯

一作瑟

石籠從哀壑杓杓浩呼

刊作汚 洶中

有萬里之長江迴風滄

陳作隋

日孤光動角鷹翻倒壯

士臂將軍玉帳軒翠

一作昂

一作勇

氣二鷹猛腦徐侯

穉

徐作徐

徐侯穉殊無理義命甫善本作條

徐墜手理或然

目如愁胡視天地杉雞竹兔不自惜溪

一作孩 虎野羊俱辟易鞞上鋒稜十二翻將軍勇銳與

之敵將軍樹勳起安西崑崙虞泉入馬蹄白羽曾肉三

狡猊敢決豈不與之齊荆南芮公得將軍亦如角鷹下

翔一作入朔

雲惡鳥飛飛啄金屋安得爾輩開其羣驅

出六合梟鸞分

狄明府

博濟一本作寄狄明府

梁公曾孫我姨弟不見十年官濟濟大賢之後竟陵遲

浩蕩古今同一體比看叔伯四十人有才無命百察底

今者兄弟一百人幾人卓絕秉周禮在汝更用文章為

長兄白眉復天啓汝門請從曾翁一作云公說太后當朝  
多巧詆一作計狄公執政在末年濁河終陳浩然本作

中不汚清濟國嗣初將付諸武公獨廷諍守丹陛禁中

決冊陳一作冊決請一作詔房陵前一作滿朝長老皆流

涕太宗社稷一朝正漢官威儀重昭洗時危始識不世

才誰謂荼苦甘如薺汝曹又宜列土一作鼎食身使門

戶多旌祭胡為漂泊岷漢間干謁王侯頗歷抵一作詆

况乃山高水有波秋風蕭蕭露泥泥虎之飢下巉岳蛟

之橫出清泚早歸來黃土泥衣浩然本作黃汚人衣服

易眯

舊書中宗自房陵還宮則天匿之帳中召仁傑以

廬陵為言仁傑慷慨敷奏言發涕流遽出中宗謂

仁傑曰還卿儲君仁傑降階泣賀既已奏曰太子

還宮人無知者物議安審是非則天以為然乃復

置中宗于龍門具禮迎歸人情感悅

秋風二首

秋風浙浙吹巫山上牢下牢修水關吳檣楚柁牽百丈

暖向神一作成都唐志光宅元年號東都曰神都寒未

還要路何日罷長戟戰自青羗連百一作白蠻中巴不

曾消息好暝傳戍鼓長雲間

秋風浙浙吹我衣東流之外西日微天清小城擣練急

石古細路行人稀不知明月為誰好早晚孤帆他一作

也夜歸會將白髮倚庭樹故園池臺今是非

久雨期王將軍不至

天一作云山雨蕭蕭滯一作帶茅屋空山無以慰幽獨銳

頭將軍來何遲令我心中苦不足數看黃霧亂玄雲時

聽嚴風折喬木泉源泠泠雜猿狖泥濘一作濘漠漠飢

鴻鵠歲暮窮陰耿未已人生會面難再得憶爾腰下鐵

絲箭射殺林中雪色鹿前者坐皮因問毛知子歷險人

馬勞異獸如飛星宿落應弦不礙蒼山高安得突騎只

五千萃然眉骨皆爾曹走平亂世相催促一豁明主正

鬱陶憶一作恨昔范增碎玉斗未使吳兵着白袍呂蒙

傳蒙至尋陽盡伏其精兵艤中使白衣搖櫓作商賈  
人服昏昏闔闔閉氛禳十月荆南雷怒號

別李秘書始興寺所居

不見秘書心若失及見秘書失心疾安為動主理信然  
我獨覺子神充實一作精神實重聞西方止觀經老身  
古寺風泠泠妻兒待我一作來陳作米且歸去他日杖  
藜來細聽

虎牙行

虎牙在荆門之北江未峻急

秋一作北風歛吸晉作歛歛吹南國天地慘慘無顏色

洞庭揚波江漢迴虎牙銅柱皆傾側巫峽陰岑朔漠氣

峰巒窈窕豁谷黑杜鵑不來猿狖寒一作啼山鬼幽憂

雲霜逼楚老長嗟憶炎瘴三尺角弓兩斛力壁立石城

橫塞起金錯旌竿滿雲直漁陽突騎獵青丘大戎鏢甲

聞丹極八荒十年防盜賊征戍誅求寡妻哭遠客中宵

淚霑臆

錦樹行

因篇內有錦樹三字摘以為題非正賦錦樹也與上虎牙同

今日苦短昨日休歲云暮矣增離憂霜凋碧樹待荆作

行云作錦樹萬壑東逝無停留荒戍之城石色古東

郭老人住青丘飛書白帝營斗粟琴瑟几杖柴門幽青

荆春作春草萋萋盡枯死天馬陳作與驥一作跛足

隨甃牛自古聖賢多薄命姦雄惡少皆封侯一作封公

侯故國三年一消息終南渭水寒悠悠五陵豪貴反顛

倒鄉里小兒狐白裘生男墮地要膂力一作生女

富貴傾邦國莫愁父母少黃金天下風塵兒亦得

### 赤霄行

孔雀未知牛有角渴飲寒泉逢觚觸赤霄玄圃須往來

翠尾金花不辭辱江中淘河下飛鸞銜泥却落羞華屋

望孫猶曾蓮勺困衛一作鮑莊見貶傷其足老翁慎莫

怪少年葛亮貴和書有篇陳壽定諸葛氏集目錄凡二

十四篇貴和第十一丈夫垂名動萬年記憶細故非高

賢賢

### 前苦寒行二首

王僧虔技錄謂有六曲一苦寒行

漢時長安雪一文牛馬毛寒縮如蝟楚江巫峽冰入懷

虎豹哀號又堪記秦城老翁荆揚客慣習炎蒸歲締絡

玄冥祝融氣或交手持白羽未敢釋

去年白帝雪在山今年白帝雪在地凍埋蛟龍南浦縮

寒刮陳作割肌膚北風利楚人四時皆麻衣楚天萬里

英華作項無晶輝三足之鳥足英華作骨恐斷羲和送

將何所歸一作迭送將安歸一作送之將安歸

後苦寒行二首

南紀巫廬瘴不絕太古以來無尺雪蠻夷長老怨苦寒

崑崙天闕凍應英華作欲折玄猿口噤不能嘯白鵠翅

垂眼流一作出血安得春泥補地裂

晚一作曉來江門一作邊失大木猛風中夜吹英華作

飛白屋天兵斬斷英華作斬青海戎殺氣南行動地

軸不爾苦寒何太一作其酷巴東之峽生凌斯彼蒼回

軒舊作軒刑一作斡人得知

晚晴

高唐暮冬雪壯哉舊瘴無復似塵埃崖沈谷沒白皚皚  
江石缺裂青楓摧南天三旬苦霧開赤日照耀從西來  
六龍寒急光徘徊照我衰顏忽落地口雖吟咏心中哀  
未怪及時少年子揚眉結義黃金臺洎陳作洎乎吾生  
何飄零支離委絕同死灰

復陰

方冬合沓玄陰塞昨日晚晴今日黑萬里飛蓬映天過  
孤城樹羽揚風直江濤簸一作欺岸黃沙走雲雪埋山

蒼兕吼君不見夔子之國杜陵翁牙齒半落左耳聾

夜歸

夜來歸來衝虎過山黑家中已眠卧傍見北斗向江低  
仰看明星當空大庭前把燭噴一作喚兩炬峽口驚猿  
聞一箇白頭老罷舞復歌顧況集閩俗呼子為囡父為  
郎罷此云老罷亦戲用閩俗語也杖藜不睡誰能那

寄栢學士林居

自胡之反持干戈天下學士亦奔波歎彼幽棲載典籍

蕭然暴露依一作向山阿青山萬里一作重靜散地白

雨一作洗空垂蘿亂代飄零余一作餘到此古人成敗子

如何荆揚春冬異風土巫峽日夜多雲一作風雨赤葉

楓林百舌鳴黃泥一作花野岸天雞舞盜賊縱橫甚密

邇形神寂寞甘辛苦幾時高議排金門各使蒼生有環

堵

寄從孫宗簡

嗟峨白帝城東西南有龍湫北虎溪吾孫騎曹不騎

作記馬業學尸鄉多養雞龐公隱時盡室去武陵春樹  
他人迷與汝林居未相失近身藥裏酒長携牧豎樵童  
亦無賴莫令斬斷青雲梯

奉酬薛十二丈判官見贈

忽忽峽中睡悲風一作秋方一醒西來有好鳥為我下

青冥羽毛淨一作畫白雲慘澹飛雲汀既蒙主人顧舉

翮啖孤亭持以比佳士及此慰揚舲清文動哀玉見道

發新硯欲學鴟夷子待勒燕山銘誰重斷地劍一作重云國

重新邪劍致君君未聽志在麒麟閣無心雲母屏卓氏  
近新寡豪家朱門一作戶局相如才一作琴調逸銀漢會雙星

客來洗粉黛日暮拾流螢不是無膏火勸郎勤六經老

夫自汲澗野水日泠泠我歎黑頭白君看銀印青卧病

識山鬼為農知地形誰矜坐錦帳苦厭食魚腥東西兩

岸晋作岸兩岸橫一作積水注滄溟碧色忽一作苦

惆悵風雷搜百靈空中右一作有白虎赤節引娉婷自

云帝里一作季女嚶雨鳳凰翎襄王薄行跡莫學冷如

丁一作冰千秋一拭淚夢覺有微馨人生相感動金石

兩青熒丈人但安坐休辨渭與涇龍蛇尚格鬪洒血暗

郊坳吾聞聰明主治一作活國用輕刑銷兵鑄農器今

古歲方寧文一作天王日儉德俊又始盈庭榮華貴少

壯豈食楚江萍

醉為馬陸諸公携酒相看

甫也諸侯老賓客罷酒酣歌拓金戟騎馬忽憶少年時

散蹄迸落瞿塘石白帝城門水雲外低身直下八千尺

粉堞電轉紫遊韁東得平岡出天壁江村野堂爭入眼  
垂鞭一作肩鞞鞞凌紫陌向來皓首驚萬人自倚紅顏  
能騎射安知決臆追風足朱汗驂驛猶噴玉不虞一蹶  
終損傷人生快意多所辱職當憂戚伏衾枕况乃遲暮  
加煩促明一作朋知來問腆我顏杖藜強起依僮僕語  
盡還成開口笑提携別掃清谿曲酒肉如山又一時初  
筵哀絲動豪竹共指西日不相貸喧呼且覆盃中祿何  
必走馬來為問一作躬不為身君不見嵇康養生遭一作

被殺戮

別李義

神堯十八子十七王其門道國洎一作及舒國督一作

實唯親弟昆中外貴賤殊余亦忝諸孫丈人嗣三葉一作

業作王業之子白玉温道國繼德業請從丈人論文人領

宗卿肅穆古制敦先朝納諫諍直氣橫乾坤子建文筆

壯河間經術存爾克諸宋刻皆作温克富詩禮骨清慮

不喧洗然遇知己談論淮湖奔憶昔初見時小襦一作

孺繡芳蓀長成忽會面慰我久疾羸三峽春冬交江山  
雲霧昏正宜且聚集恨此當離樽莫怪執盃遲我衰涕  
唾煩重問子何之西上岷江源願子少干謁蜀都足戎  
軒誤失將帥意不如親故恩少年早歸來梅花已飛翻  
努力慎風水豈惟數盤飧猛虎卧在岸蛟螭出無痕王  
子自愛惜老夫困石根生別古所嗟發轂為爾吞

鮑曰高祖二十二子衛懷王玄霸楚哀王智雲皆  
先薨太子建成巢王元吉以事誅詔除籍故止言

十八太宗有天下故言十七王也

送高司直尋封閩州

丹雀銜書來暮棲何鄉樹驂騑事天子辛苦在道路司  
直非冗官荒山甚無趣借問泛舟人胡為入雲霧與子  
姻婭間既親亦有故萬里長江邊邂逅一相遇長卿消  
渴再公幹沈綿屢清談慰老夫開卷得佳句時見文章  
士欣然淡一作談情素伏枕聞別離疇能忍漂寓良會  
苦短促溪行水奔注熊羆咆空林游子慎馳驚西謁巴

中侯艱險如跬步主人不世才先帝常特顧拔為天軍  
佐崇大王法度淮海生清風南翁尚思慕公宮造廣廈  
木石乃無數初聞伐松柏猶卧天一柱我瘦一作病書  
不成成字讀一作字亦誤為我問故人勞心練征戍

君不見簡蘇篋

君不見道邊廢棄池君不見前者摧折桐百年死樹度  
信擬連珠龍門死樹尚抱咸池之曲中琴瑟一斛舊水  
藏蛟龍丈夫蓋棺事始定君今幸未成老翁何恨憔悴

在山中深山窮谷不可處霹靂魍魎兼一作并狂風

贈蘇四篋

異縣昔同遊各云厭轉蓬別離已五年尚在行李中戎  
馬日衰息乘輿安九重有才何棲棲將老委所窮為郎  
未為賤其奈疾病攻子何面黧黑不得豁心胸已蜀倦  
剽掠一作劫下愚成土風幽薊已削平荒徼尚彎弓斯  
人脫身來豈非吾道東乾坤雖寬大所適裝囊空肉食  
晒菜色少壯欺老翁况乃主客間古來偏側同君今下

荆揚獨帆如飛鴻二州豪俠場人馬皆自雄一請甘饑  
寒再請甘養蒙

寄薛三郎中據

人生無賢愚飄飄若埃塵自非得神仙誰免危其身與  
子俱白頭役役常苦辛雖為尚書郎不及村野人憶昔  
村野人其樂難具陳藹藹桑麻交公侯為等倫天未厭  
戎馬我輩本常貧子尚客荊州我亦滯江濱峽中一卧  
病瘡癘終冬春春復加肺氣此病益有因早歲與蘇鄭

痛飲情相親二公化為土嗜酒不失真余今委修短豈  
得恨命屯聞子心甚壯所過信席珍上馬不用扶每一作  
作忽扶必怒嗔賦詩賓客間揮洒動八垠乃知蓋代手  
才力老益神青草洞庭湖東浮滄海濬君山可避暑况  
足采白蘋子豈無扁舟往復江漢津我未下瞿塘空念  
禹功勤一作聽說松門峽吐藥攬衣巾高秋却束帶鼓枻視  
青旻鳳池日澄碧濟濟多士新余病不能起健者勿送  
巡上有明哲君下有行化臣

大覺高僧蘭若

原注和尚去冬往湖南

和尚去冬往湖南

巫山不見廬山遠

一作間

蘭若秋風晚一老猶鳴

日暮鐘諸僧尚乞齋時飯香爐峯色隱晴湖種杏仙家

近白榆飛錫去年啼邑子獻花何日許門徒

唐詩卷一百二十三

杜工部

南古詩居松陵公安及至湖南

珍

書

宿青溪驛奉懷張員外十五兄之緒

漾舟千山內日入泊枉渚我生本飄飄今復在何許石

根青楓林猿鳥聚儔侶月明游子靜畏虎不得語中夜

懷友朋乾坤此深阻浩蕩前後間佳期付荆楚

敬寄族弟唐十八使君

南自撰萬年驛君京兆杜氏家法云其先系統於伊和公姓唐杜

與君陶唐後盛族多其人聖賢冠史籍枝派羅源津在

今氣磊落巧偽莫敢親介立實吾弟濟時肯殺身物白  
諱受玷行高無汚真得罪永泰未放之五溪濱鸞鳳有  
鍛翻先儒曾抱麟雷霆霹靂長松骨大却生筋一失不足  
傷念子孰自珍泊舟楚宮岸戀闕浩酸辛除名配清江  
厥土巫峽鄰登陸將首途筆札枉所申歸朝跼病肺叙  
舊思重陳春風洪濤壯谷轉頰彌旬我能泛中流塘突  
鼉獺瞋長年已省拖慰此貞良臣

舊注甫自撰萬年縣君京兆杜氏墓誌云其先系

統于伊祁分姓于唐杜范宣子曰祖自虞以上為  
陶唐氏在夏為御龍氏在商為豕韋氏在周為唐  
杜氏師古曰唐太原晉陽縣也杜京兆杜縣也

### 憶昔行

憶昔北尋小有洞洪河怒濤過輕舸辛勤不見華蓋君  
艮岑青輝慘么麼千崖無人萬壑靜三步回頭五步坐  
秋山眼冷魂未歸仙賞心違淡交墮弟子誰依白茅一  
作石室盧老獨啓青銅鎖巾拂香餘搗藥塵階一作前

除灰死燒丹火玄圃滄洲莽空闊金節羽衣飄婀娜落  
日初霞閃餘映倏忽東西無不可松風礪水敲合時青  
兕黃熊啼向我徒然咨嗟撫遺迹至今夢想仍猶佐一作  
作左音如佐 秘訣隱文須內教晚歲何功使一作收願  
果更討一作覓衡陽董鍊師南浮一作游早鼓瀟湘柂  
茗溪漁隱詩話王屋山中日西落而人影或在西  
日東落人影或在東不可致詰故曰落日初霞閃  
餘映倏忽東西無不可六典道士修行其德高思

精謂之鍊師輿地紀勝董奉先天寶中修九華丹  
法于衡陽棲朱陵後洞甫憶昔行云更憶衡陽董

### 鍊師

### 魏將軍歌

將軍昔着從事衫鐵馬馳突重兩銜被堅執銳略西極  
崑崙月窟東嶄巖君門羽林萬猛士惡若哮虎子所監  
五年起家列霜戟一日過海收風帆平生流輩徒蠢蠢  
長安少年氣欲盡魏侯骨聳精爽緊華嶽峰尖見秋隼

星纏寶校金盤陀夜騎天駟超天河攬槍熒惑不敢動

翠蕤雲旆相蕩摩吾為子起歌都護酒闌插劍肝膽露

鈞陳蒼蒼風玄武玄武暮萬歲千秋奉明主臨江

節士安足數宋陸厥有臨江節士歌

### 北風

北風破南極朱鳳日威一作低垂洞庭秋欲雪鴻雁將

安歸十年殺氣盛六合人煙稀吾慕漢初老時清猶茹

芝

### 客從

客從南溟來遺我泉客珠珠中有隱字欲辨不成書緘

之篋竒久以俟公家須開視化為血哀今徵斂無

### 白馬

白馬東北來空鞍貫雙箭可憐馬上郎意氣今誰見近

時主將戮中夜商一作傷於戰喪亂死多門嗚呼淚如

霰

鶴曰大曆三年二月商州兵馬使劉洽殺防禦使

殷仲卿尋討平之夢弼曰謂臧玠殺崔瓘也

白鳧行

君不見黃鵠高于五尺童化為白鳧一作象老翁故

畦遺穗已蕩盡天寒歲一作日暮波濤中鱗介腥羶素

不食終日恐飢西復東魯門鷄鷓亦蹭蹬聞道如璞一作

于今猶避風

朱鳳行

君不見瀟湘之山衡山高山巔下園本作巖朱鳳一作一

巖

作鳴嗷嗷側身長顧求其羣一作曹翅垂口噤心甚勞

一作勞勞下愍百鳥在羅網黃雀最小猶難逃願分竹

實及螻蟻盡使鷓臯相怒號

惜別行送何卿進奉端午御衣之上都

肅宗昔在靈武城指揮猛將收咸京何公十去何公亦

衛伯玉蓋芮字傳寫之悞泣血洒行殿佐佑卿相乾坤

平逆胡冥冥隨煙燼卿家兄弟功名震麒麟圖一作閣

畫鴻雁行紫極出入黃金印尚書勲業超千古雄鎮荆

州繼吾祖裁縫雲霧成御衣拜跪題封何吳本作賀端  
午向卿將命寸心赤青山落日江湖白卿到朝廷說老  
翁漂零已是滄浪客

此行起至廣德元年衛伯玉拜江陵尹兼御史大夫荆南節

此行俱改度使尋加檢校工部尚書封陽城郡王此云鎮荆

注在第三行州知為伯玉也繼吾祖者杜預以鎮南大將軍都

督荊州諸軍事也向卿者尚書將命之人也

醉歌行贈公安顏少府請顧八題壁英華作贈

公安縣顏少府

神仙中人不易得顏氏之子才孤標天馬長鳴待駕馭  
秋鷹整翮當雲霄君不見東吳顧文學君不見西漢杜  
陵老詩家筆勢君不嫌詞翰升堂為君掃是日霜風凍  
七澤烏蠻落照銜赤壁酒酣耳熱忘頭白感君意氣無  
所惜一為歌行歌主客一本云醉歌行歌主客英華同

夜聞簾篋

夜聞簾篋滄江上衰年側耳情所嚮鄰舟一聽多感傷

塞曲三更歎悲壯積雪飛霜此夜寒孤燈急管復風一作  
作奔湍君知天地一作下干戈滿不見江湖一作湘行  
路難

發劉郎浦

浦在石首縣  
劉納吳女處

挂帆早發劉郎浦疾風颯颯昏亭午舟中無日不沙塵  
岸上空村盡豺虎十日北風風未迴客行歲晚晚一作  
相催白頭厭伴漁人宿黃帽青鞋歸去來

別董頴

窮冬急風水逆浪開帆難士子甘旨闕不知道里寒有  
求彼樂土南適小長安到別一作別我舟楫去覺君衣裳  
單素聞趙公節兼盡賓主歡已結門廬一作閣望無令  
霜雪殘老夫纜亦解脫粟朝未餐飄蕩兵甲際幾時懷  
抱寬漢陽頗寧靜峴首試考槃當念著白帽一作褐采  
薇青雲端

送重表姪王珣評事使南海珣力制切說文引

詩深則砭

我之曾祖誤作老姑爾之高祖母爾祖未顯時歸為尚

書婦王珪也隋朝大業末房杜俱交友長者來在門荒

年自餬口家貧無供給客位但箕箒俄頃羞頗一作頗羞

頗羞亦寂寥人散後入怪鬢髮空吁嗟為之久自陳剪

髻髮鬻幣市充盃一作沽酒上云天下亂宜與英俊厚向

竊窺數公經綸亦俱有次問最少年虬髯十八九子等

成大名皆因此人手下云風雲合龍虎一吟吼願展丈

夫雄得辭兒女醜秦王時在坐真氣驚戶牖及乎貞觀

初尚書踐台斗夫人常肩輿上殿稱萬壽六宮師柔順

法則化妃后至尊均嫂叔盛事垂不朽鳳雛無凡毛五

色非爾曹往者胡作逆乾坤沸噉噉吾客左馮翊爾家

同遁逃爭奪至徒步塊獨委蓬蒿逗留熱爾腸十里却

呼號自下所騎馬右持腰間刀左牽紫遊韁飛走使我

高苟活到今日寸心銘佩牢亂離又聚散宿昔恨滔滔

水花笑白首春草隨青袍廷評近要津節制收英髦北

驅漢陽傳南泛上龍舳家散肯墜地利器當秋毫番禺

親賢領籌運神功操大夫出盧宋樊作宗寶貝休脂膏  
洞主降接武海胡舶千艘我欲就丹砂跋涉覺身勞安  
能陷糞土有志乘鯨鼈或駢鸞騰天聊樊作不作鶴鳴  
臯

新書珪始隱居時與房玄齡杜如晦善母李嘗曰  
而必貴但未知所與遊者何如人而試與偕來會  
玄齡等過其家李窺大驚勅具酒食歡盡日喜曰  
二客公輔才汝貴不疑復齋漫錄房杜舊不與太

宗相識太宗起兵玄齡杖策謁軍門乃薦如晦珪  
則建成誅後始見召以史傳參考詩為誤也西清  
詩話以新唐書所載質之子美是詩則珪之婦杜  
非其母李也且一婦人識真主于側微其事甚偉  
史闕而不錄是詩載之為悉世號詩史信不誣也  
容齋隨筆珪與太宗非素交唐書載李氏事亦采  
之小說恐未必然而杜公稱其祖姑事不應不實  
且太宗朝宰相別無姓王者真不可曉也趙叟曰

珪與房杜同遊文中子之門則交友可知矣  
大曆四年李勉除廣州刺史兼嶺南節度觀察使  
番禺賊帥馮崇道桂州叛將朱濟時阻洞為亂遣  
將招討悉斬之五陵平前後西域舶汎海至者歲  
纔四五勉性廉潔舶來都不檢閱故未年至者四  
十餘代歸至石門停舟悉搜家人所貯南貨犀象  
諸物投之江中耆老以為可繼前朝宋璟盧貞李  
朝隱之徒人吏詣闕請立碑代宗許之詩所謂親

賢大夫者謂李勉也

詠懷二首

人生貴是男丈夫重天機未達善一身得志行所為嗟  
余竟輒軻將老逢艱危胡雛逼神器逆節同所歸河雒  
化為血公侯一作卿草間啼西京復陷沒翠蓋蒙塵飛  
萬姓悲赤子兩宮棄紫微倏忽向二紀奸雄多是非本  
朝再樹立未及貞觀時日給在軍儲上官督有司高賢  
迫形勢豈暇相扶持疲苒苟懷策棲肩無所施先王實

罪已愁痛正為茲歲月不我與蹉跎病于斯夜看鄧城  
氣回首蛟龍池齒髮已自料意深陳苦誤本作昔詞

邦危壞法則聖遠益愁慕飄飄挂水遊悵望蒼梧暮潛

魚不銜鈎走鹿無反顧皦皦幽曠心拳拳異平素衣食

相拘閔朋知限流寓風濤上春沙千刊作十里侵刊作

漫江樹逆行少陳作值吉日時節空復度井竈任塵埃

舟航煩數具牽纏加老病瑣細隘俗務萬古一死生胡

為足名數多憂汗桃源拙計泥銅柱未辭炎瘴毒擺落

跋涉懼虎狼窺中原焉得所歷住葛洪及許靖避世常

此路賢愚誠等差自愛各馳驚羸瘠且如何魄奪針灸

屢擁滯僮僕慵稽留篙師怒終當挂帆席天意難告訴

南為祝融客勉強親杖屨結託老人星羅浮展衰步

送顧八分文學適洪吉州

集古錄顧氏著善分  
英華題內無洪字

中郎石經後八分益憔悴顧侯運鑪錘筆力破餘地昔

在開元中韓擇木蔡有鄰同巖巖玄宗妙其書是以數

子至御札早流傳揄揚非造次三人並入直恩澤各不

二顧於韓蔡內辨眼工小字分日示英華作侍諸王鈞  
深法更秘文學與我遊蕭疎外散利追隨二十載浩蕩  
長安醉高歌卿相宅文翰飛省寺視我揚間白首不相  
棄驂騑入窮巷必脫黃金轡一論朋友難逢暮敢失墜  
古來事反覆相見橫涕泗嚮者王珂人誰是青雲器才  
盡傷形體一作骸病渴汙官位故舊獨依然時危話顛  
躓我甘多病老子負憂世志胡為困衣食顏色少稱遂  
遠作辛苦行順從衆多意舟楫無根蒂蛟鼉好為崇况

兼水賊繁特戒風颳駛崩騰戎馬際一作險往往殺長

吏子干東諸侯勸一作勤勉防縱恣邦以民為本魚饑

費香餌請哀瘡痍深告訴皇華使使臣精所擇進德知

歷試惻隱誅求情固應賢愚異列一作烈士惡苟德俊

傑思自致贈子猛虎行出郊載酸鼻

書苑唐明皇好圖畫工八分章草豐茂英特初張

說為麗正殿學士獻詩明皇自于彩箋上八分書

讚所謂御札流傳者此也張燕公等因獻賦詩上

各賜贊褒美自于五色箋八分書之賞付院散付  
學士金壺記明皇親書西嶽碑文刺史徐知仁上  
言曰親迂彩筆寫在香箋隨手生姿入神變態勢  
如飛動妙絕古今諒得自然豈因外物次柳氏舊  
聞玄宗善八分書將命相先以御體書其姓名置

案上

上水遣懷

我衰太平時身病戎馬後蹭蹬多拙爲安得不皓首驅

馳四海內童稚日餬口但遇新少年少逢舊親友低顏  
下色低故人知善誘後生血氣豪舉動見老醜窮迫挫

曩懷常如中風走一紀出西蜀于今向南斗孤舟亂春

華一作草暮齒依蒲柳冥冥九疑葬聖者骨亦一作已

朽蹉跎陶唐人鞭撻日月久中間屈賈輩讒毀竟自取

鬱没樊作悒二悲鬼蕭條猶在否齒萃清湘石逆行雜

林藪篙工密逞巧氣若酣盃酒歌謳互激遠樊作越回

翰明受樊作相授善一作蓋知應觸類各藉穎脫手古

杜工部古詩

卷一百二十三

三

來經濟才何事獨罕有蒼蒼衆色晚熊挂玄虵吼黃罷  
在樹顛正為群虎守羸骸將何適履險顏益厚庶與達  
者論吞散混瑕垢

遣遇

磬折辭主人開帆駕洪濤春水滿南國朱崖雲日高舟  
子廢寢食飄風爭所操我行匪利涉謝爾從者勞石間  
采蕨女鬻菜一作市輸官曹丈夫死百役暮返空村號  
聞見事畧同刻剝及錐刀貴人豈不仁視汝如莠蒿索

錢多門戶喪亂紛噉噉奈何黠吏徒漁奪成逋逃自喜  
遂生理花時甘一作賞縕袍

解憂

減米散同舟路難思共濟向來雲濤盤衆力亦不細呀

坑一作坑如口之呀一作坑開者也趙曰深坑如口之呀也

濠坑如口之呀一作坑開者也趙曰深坑如口之呀也瞥眼過飛槽本無蒂得失瞬息

間致遠宜恐泥百慮視安危分明曩賢計茲理庶可廣

拳拳期勿替

宿鑿石浦

浦在湘潭縣

早宿賓從勞仲春江山麗飄風過無時舟楫敢不一一作不敢繫回塘澹暮色日沒衆星噤缺月殊未生青燈死分翳窮途多俊異亂世少恩惠鄙夫亦放蕩草草頻卒一作年樊作年歲斯文憂患餘聖哲垂彖繫

早行

歌哭俱在曉行邁有期程孤舟似昨日聞見同一散飛鳥數一作散求食潛魚亦一作何獨驚前五作網罟設

何

法害生成碧藻非不茂高帆終日征干戈未一作異揖讓崩迫開一作關其情

過津口

南岳自茲近湘流東逝深和風引桂楫春日漲雲岑回首過津口而多楓樹林白魚困密網黃鳥喧嘉音物微限通塞惻隱仁者心瓮餘不盡酒膝有無散琴聖賢兩寂寞眇眇獨開襟

次空靈岸

直作空岸湘水縣有空冷境又有空船灘

汙汙逆素浪落落展清眺幸有舟楫遲得盡所歷妙空

靈霞石峻楓栝一作栝隱奔峭青春猶無一作有私白

日亦一作已偏照可使營吾居一作屋終焉託長嘯毒

瘴未足憂兵戈滿邊徼嚮者留遺恨耻為達人誚迴帆

覬賞延佳氣領其要

夢弼曰空靈當作空舸乃筆誤耳水經注湘水縣

北有空舸峽驚浪雷奔濬同三峽

宿花石戍

長沙有源石戍

開

午辭空靈岑夕得花石戍岸疏開闢水一作山木雜今

古樹地蒸南風盛春熱西日暮四序本平分氣候何迴

互茫茫天造間理亂豈恒數繫舟盤藤輪策杖古樵路

罷人不在村野圃泉自注柴扉雖蕪沒農器尚牢固山

東殘逆氣吳楚守王度誰能扣君門下令減征賦

早發

有求常百慮斯文亦吾病以茲朋故多窮老驅馳併早

行篙師怠席挂風不正昔人戒垂堂今則奚奔命濤翻

黑蛟躍日出黃霧映煩促瘴豈侵頽倚睡未一作還醒

僕夫問盥擲暮顏一作未靦青鏡隨意簪葛巾仰慚林

花盛側聞夜來寇幸喜囊中淨艱危作遠客干請傷直

性薇蕨餓首陽粟馬資歷聘賤子欲適從疑悞此二柄

次晚洲

叅錯雲石稠坡陀風濤壯晚洲適知名秀色固異狀棹

經垂猿把身在度鳥上擺浪散帙妨危沙折一作折花當羈離

暫愉悅羸老反惆悵中原未解兵吾得終疎放一作

俞舜卿云危沙既險無他標識插花以當之非玉

卮無當之當字也廣韻當底也今體詩云常苦沙

崩損藥闌危沙易崩故折花以為之當此亦偶寫

近江之景色也

望嶽

南嶽配朱鳥秩禮自百王歛吸領地靈鴻一作瀕洞半

炎方邦家用祀典在德非馨香巡守何寂寥有虞今則

亡洎一作汨吾隘世網行邁越瀟湘渴日絕壁出漾舟

謂末薇歷時借用韓非二柄字

清光旁祝融五一作五峰尊峰峰次低昂紫蓋獨不朝

爭長業相望恭聞魏夫人羣仙夾翺翔有時五峰氣散

風如飛霜牽迫限一作恨修途未暇杖崇岡歸來覲命

駕沐浴休玉堂三歎問府主曷以贊我皇牲璧恣一作

感衰俗神其思降祥

湘江宴餞裴二端公赴道州

白日照舟師朱旗散廣川羣公餞南伯肅肅秩初筵鄙  
人奉末眷佩服自早年義均骨肉地懷抱罄所宣盛名

富事業無取愧高賢不以喪亂嬰保愛金石堅計拙百

寮下氣蘇君子前會合苦不久哀樂本相纏交遊颯何

盡宿昔浩茫然促觴激百慮掩抑淚潺湲熱雲集曛黑

一作初集黑缺月未生天白團為我破華燭蟠長煙鵠

鵠一作鵠鵠一作鵠催明星解袂從此旋上請減兵

甲下請安井田永念病渴老附書遠山巔

清明

著處繁花務陳作華是一作足日長沙千人萬人出

振

渡頭翠柳艷明眉爭道朱蹄驕鬪鄰此都好遊湘西寺

諸將亦一作遠一作方自軍中至馬援征行在眼前葛

強山簡愛將也親近同心事金鐙廣韻鐙與燈同下山

紅粉一作日晚牙檣挾拖青樓遠古時喪亂皆可知人

世悲歡暫相遣弟姪雖存不得書干戈未息苦離一作

難居逢迎少壯非吾道况乃今朝更祓除

風雨看舟前落花戲為新句

江上人家挑樹枝春寒細雨出疎籬影遭碧水潛勾引

風妬紅花却倒吹吹花困癩一作癩傍舟撒水光風力

俱相怯赤憎輕薄遮入一作人懷珍重分明不來接一作

作折濕久飛遲半日一作欲高縈沙惹草細於毛蜜蜂

蝴蝶生情性一作住偷眼蜻蜒避百勞

岳麓山道林二寺行

玉泉之南麓山殊道林林壑爭盤紆寺門高開洞庭野

殿脚挿入赤沙湖五月寒風冷佛一作拂骨六時天樂

朝香爐地靈步步雪山草僧寶人人滄海珠塔劫宮牆

壯麗敵香

一作石

厨松道清凉

樊作崇

俱蓮花

樊陳俱

作也交響音共命鳥金榜雙迴三足鳥方丈涉海費時節

玄圃尋河知有無暮年且喜經行近春日兼蒙暄暖扶

飄然斑白身

一作將

奚適傍此煙霞茅可誅桃源人家

易制度橘洲田土仍膏腴潭府邑中甚淳古太守庭內

不喧呼昔遭衰世皆晦迹今幸樂國養微軀依止老宿

亦未晚富貴功名焉足圖久為野

一作謝

客尋幽慣細

學何

當作

同顯免興孤一重一掩山也

一作

吾肺腑山一作

仙鳥山花吾友于宋公

之問也

放逐曾題壁物色分留

與

一作待

老夫

石林詩話何顥見後漢黨錮傳與是詩之義不類

當作周顥按南史周顥音辭辨麗長于佛理著三

宗論言空假義西涼州智林道人遺顥書深相贊

美于鍾山西立精舍休沐則歸之清貧寡欲終日

長蔬雖有妻子獨處山舍公文曰何顥好不忘亦

同此誤也案文選李善注引梁簡文帝草堂傳曰

汝南周顒昔經在蜀以蜀草堂寺林壑可懷乃于  
鍾嶺雷次宗學館立寺因名草堂亦號山茨公以  
顒自喻言他日雖去蜀而周顒之興未忘也

奉送魏六丈佑少府之交廣

賢豪贊經綸功成空名

一作名空

垂子孫不振耀

一作云

子孫沒不振

歷代皆有之鄭公四葉孫長大常苦飢衆

中見毛骨猶是麒麟兒磊落貞觀事致君樸直詞家毅

蓋六合行色何其微遇我蒼梧陰一作野忽驚會面稀

議論有餘地公侯來未遲虛思黃金貴一作遺自笑青

雲期長卿久病渴武帝元同時季子黑貂敝得無妻嫂

欺尚為諸侯客獨屈州縣卑南游炎海甸浩蕩從此辭

窮途仗神道世亂輕土宜解帆歲云暮可與春風歸出

入朱門家華屋刻蛟螭玉食亞王者樂張游子悲侍婢

艷傾城綃綺輕一作烟霧霏掌中琥珀鍾行酒雙逶迤

新歡繼明燭梁棟星辰飛兩情顧盼合珠碧贈子斯上

貴見肝膽下貴不相一作見疑心事披寫間氣酣達一作

作遠所為錯揮鐵如意莫避珊瑚枝始兼一作無逸邁  
興終慎賓主儀戎馬闔天宇嗚呼生別離

別張十三建封

嘗讀唐實錄國家草昧初劉裴建首義龍見尚躊躇秦  
王撥亂姿一劔總兵符汾晉為豐沛暴隋竟滌除宗臣  
則廟食後祀何疎蕪彭城英雄種宜膺將相圖爾惟外  
曾孫侗儻汗血駒眼中萬少年用意盡崎嶇相逢長沙  
亭乍問緒業餘乃吾故人子童叟聯居諸張建封兗州

人父玠少豪俠安祿山反令偽將李庭偉率蕃兵脅下  
城邑玠率鄉豪集兵殺之太守韓擇木方遣使奏聞玠  
流蕩江南不言其功公文為兗州司馬當以趨庭之日

與玠遊也揮手洒衰淚仰看八尺軀內外名家流風神

蕩江湖范雲堪晚晉作結友嵇紹自不孤擇材征南幕

大曆初道州刺史裴虬薦建封于觀察使韋之晉辟為

參謀奏授左清道兵曹乃不樂吏役而去湖一作湖落

回鯨魚載感賈生慟復聞樂毅書主憂急盜賊師老荒

京都舊丘豈稅駕大厦傾宜扶君臣各有分管葛本時  
須雖當霰雪嚴未覺栝柏枯高義在雲臺嘶鳴望天衢  
羽人掃碧海功業竟何如

暮秋枉裴道州手札率爾遣興寄近呈蘇渙侍

御

久客多枉友朋書素書一月凡一束虛名但蒙寒溫問  
泛愛不救溝壑辱齒落未是無心人舌存耻作窮途哭  
道州手札適復至紙長要自三過讀盈把那須滄海珠

入懷本倚崑山玉撥棄潭州百斛酒蕪沒瀟岸千株菊  
使我晝立煩兒孫令我夜坐費燈燭憶子初尉永嘉去  
紅顏白面花映肉軍符侯印取豈遲紫燕駮耳行甚速  
聖朝尚飛戰鬥塵濟世宜引英俊人黎元愁痛會蘇息  
夷狄跋扈徒逡巡授鉞築壇聞意旨頽網漏網期彌綸  
郭欽上書見大計劉毅答詔驚群臣他日更僕語不淺  
明公論兵氣益振傾壺簫管黑一作理荆作動白髮儻  
劒霜雪吹青春宴筵曾語蘇季子後來傑出雲孫比茅

齋定王城郭門藥物楚老漁商市市北肩輿每聯袂郭  
南抱甕亦隱几無數將軍西第成早作丞相東山起鳥  
雀苦肥秋粟菽蛟龍欲蟄寒沙水天下鼓角何時休陣  
前部曲終日死附書與裴因示蘇此生已媿須人扶致  
君堯舜付公等早據要路思捐軀

奉贈李八丈判官

曠

我丈時英特宗枝神堯後珊瑚市則無駮驥人得有早  
年見標格秀氣衝星斗事業富清機官曹正獨守頃來

樹嘉政皆已傳衆口艱難體貴安兄長吾敢取區區猶  
歷試炯炯更持久討論實解頤操割紛應手篋書積諷  
諫宮闕限奔走入幕未展材一作懷秉鈞孰為偶所親  
問淹泊泛愛惜衰朽垂白亂一作辭南翁委身希北叟  
真成窮轍鮒或似喪家狗秋枯洞庭石風颯長沙柳高  
興激荆衡知音為迴首

歲晏行

歲云暮矣多北風瀟湘洞庭白雲一作雲中漁父天寒

網罟凍莫徭射雁鳴桑弓去年米貴闕軍食今年米賤  
大傷農高馬達官厭酒肉此輩杼軸茅茨空楚人重魚  
不重鳥一作肉汝休狂殺南飛鴻况聞處處鬻男女割  
慈忍愛還租庸往日用錢捉私鑄今許一作云來鉛錫和  
青銅刻泥為之最易得好惡不合長相蒙萬國城頭吹  
畫角此曲哀恐何時終

追酬故高蜀州人日見寄

并序

開文書帙中檢所遺忘因得故高常侍適往居在

成都時高任蜀州刺史人日相憶見寄詩淚洒行  
間讀終篇末自枉詩已十餘年莫記存歿又六七  
年矣老病懷舊生意可知今海內忘形故人獨漢  
中王樊作郡王瑀與昭州敬使君超先在愛而不  
見情見乎辭大曆五年正月二十一日却追酬高  
公此作因寄王及敬弟

自蒙

一作枉

蜀州人日作不意清詩久零落今晨散帙

眼忽開

一作明

逆淚幽吟事如昨嗚呼壯士多慷慨合

皆高名動寥廓歎我悽悽求友篇感時鬱鬱匡君略錦

里春光空爛熳瑤墀侍臣已冥冥瀟湘水國傍鼃鼃鄠

杜秋天失鷓鴣東西南北更誰吳作堪論白首扁舟病

獨存遥一作猶拱北辰纏寇盜欲傾東海洗乾坤邊塞

西蕃最充斥衣冠南渡多崩奔鼓瑟至今悲帝子曳裾

何處覓王門文章曹植波瀾闊服食劉安德業尊長笛

誰能一作鄰家亂愁思昭州詞翰與招魂

蘇大侍御訪江浦賦八韻紀異

草堂諸無此題竟以存焉

蘇大侍御渙靜者也旅于江側凡一作乃是不交

州府之客人事都絕久矣肩輿江浦忽訪老夫舟

楫而已茶酒內余請誦近詩肯吟數首才力素壯

詞句動人接對明日憶其湧思雷出書篋几杖之

外殷殷留金石聲賦八韻記異亦見老夫傾倒于

蘇至矣

龐公不浪出蘇氏今有之再聞誦新作突過黃初詩乾

坤幾一作去泪一作云泪 反覆揚馬宜同時今晨清鏡中勝食齋房

芝余髮喜却變白間生一作添黑絲昨一作永夜舟火

滅一作接湘娥簾外悲百靈未敢刑作永夜散風破作一

作波寒江遲

南部新書蘇渙本不平者善放白弩已中號為弩

跖賔人患之比壯年後自知非變節從學卿賦擢

第累遷至侍御史佐湖南幕崔瓘中丞遇害遂踰

嶺扇動哥舒晃跋扈交廣作變伏誅有變律詩十

九首上廣帥李公唐人謂渙詩長于諷刺得陳拾

遺一鱗半甲余觀其詞氣頡頏如此固可見其胸

中矣子美逆旅相遇美其能詩又以龐公比之此

過情之譽也

題衡山縣文宣王廟新學堂呈陸宰

旄頭彗紫微無復俎豆事金甲相排蕩青衿一憔悴鳴

呼已十年儒服弊于地征夫不遑息學者淪素志我行

洞庭野歛得文翁肆僦僦胄子行若舞風雩至周室宜

中興孔門未應棄是以資雅才渙然立新意衡山雖小

邑首唱恢大義因見縣尹心根源舊宮闕講堂非曩構  
大屋加塗暨下可容百人牆隅亦深邃何必三千徒始  
壓戎馬氣林木在庭戶密幹疊蒼翠有井朱夏時轆轤  
凍階祀耳聞讀書聲殺伐災髣髴故國延歸望衰顏減  
愁思南紀改陳作收波瀾西河共風味采詩倦跋涉載  
筆尚可記一云常記異高歌激宇宙凡百慎失墜

入衡州

兵革自久遠興衰看帝王漢儀甚照耀胡馬何猖狂老

潭  
滅珩

將一失律清邊生戰場君臣忍瑕垢河岳空金湯重鎮  
如割據輕權絕紀綱軍州體不一寬猛性所將嗟彼苦  
節士素于圓鑿方寡妻從為郡兀者安堵牆凋弊惜邦  
本哀矜存事常旌麾非其任府庫實過防怨一作怒已  
獨在此多憂增內傷偏裨限酒肉卒伍單衣裳元惡迷  
是似聚謀一作謀洩康莊竟流帳下血大降湖南殃烈  
火發中夜高煙焦上蒼至今分粟帛殺氣吹沅湘福善  
理顛倒明徵天莽茫銷魂避飛鏑累足穿豺狼隱忍積

棘刺遷延胝趺瘡遠歸兒侍側猶乳女在旁父客幸脫  
免暮年慙激昂蕭條何水陸汨沒隨魚商報主身已老  
入朝病見妨悠悠委薄俗鬱鬱回剛腸忝錯走洲渚春  
容轉林篁片帆左柳岸通郭前衡陽華表雲鳥埤名園  
花草香旗亭壯邑屋烽槽蟠城隍中有古刺史盛才冠  
巖廊扶顛待柱石獨坐飛風霜昨者間瓊樹高談隨羽  
觴無論再繾綣已是安蒼黃劇孟七國畏馬卿四賦良  
門闌蘇生在蘇生侍御渙勇銳白起強問罪富形勢凱

歌懸否臧氛埃期必掃蚊蚋焉能當橘一作橘井舊地

宅仙山引舟航此行厭暑雨厥土聞清涼諸舅剖符近

開緘書札光頻繁命屢及磊落字百行江摠外家養謝

安乘輿長下流匪珠玉擇木羞鸞凰我師嵇叔夜世賢

張子房彼椽張勸柴荆寄樂土鵬路觀翺翔

代宗大曆五年二月潭州刺史崔瓘為其兵馬使

臧玠所殺玠據潭州為亂湖南將王國良因之而

反公避地入衡州瓘以士行聞蒞職清謹選潭州

刺史政在簡肅恭守禮法將吏自經時艱久不奉  
法多不便之大曆五年四月會月給糧儲兵馬使  
臧玠與判官達奚覲忿爭覲曰今幸無事玠曰有  
事何逃厲色而去是夜玠遂構亂犯州城以殺覲  
為名瓘遑遽走逢玠兵至遂遇害澧州刺史楊子  
琳道州刺史裴蚪衡州刺史楊濟各出兵討玠  
舟中苦熱遣懷奉呈揚中丞通簡臺省諸公  
媿為湖外客看此戎馬亂中夜混黎昨脫身亦奔竄遇

臧玠之亂入衡州

平生方寸心反掌

一作當

帳下難鳴

呼殺賢良不叱白刃散吾非丈夫特沒齒埋冰炭耻以  
風病辭胡然泊湘岸入舟雖苦熱垢膩可澆灌痛彼道  
邊人形骸改昏旦中丞連帥職封內權得按身當問罪  
先縣實諸侯半士卒既輯睦啓行促精悍似聞上游兵  
稍逼長沙館鄰好彼克脩天機自明斷南圖卷雲水北  
拱戴霄漢美名光史臣長策何壯觀驅馳數公子咸願  
同伐叛散節哀有餘夫何激衰懦偏裨表三上鹵莽同

一貫始謀誰其間迴首增憤惋宗英李端公守職甚昭  
煥變通迫脅地謀畫焉得筭王室不肯微凶徒畧無憚  
此流須卒斬神器資強幹扣寂豁煩襟皇天照嗟嘆

自此以下至  
三行俱改通鑑臧玠之亂澧州刺史揚子琳起兵討之取賂

行小字注  
入詩篇注而還初崔旰殺郭英乂子琳起兵討旰杜鴻漸各

授官以和解之及子琳攻旰敗還縱兵涪夔衛伯

王請于朝以為峽州團練使及臧玠殺崔瓘子琳

聲言問罪取賂而還公詩所謂偏裨表三上鹵莽

同一貫始謀誰其間迴首增憤惋者合前後三叛

言之也始謀蓋追論鴻漸伯玉故曰迴首增憤惋

唐藩鎮有事俱用偏裨上表假衆論以脅制朝廷

也

聶耒陽以僕阻水書致酒肉療飢荒江詩得代

懷興盡本韻至縣呈聶令陸路去方田驛四十

里舟行一日時屬江漲泊于方田

耒陽馳尺素見訪荒江眇義士烈女家風流吾賢紹昨

見狄相孫許公人倫表前期一作朝翰林後屈跡縣邑

小知我碍湍濤半旬獲浩漹漹玉篇以沼切上林賦浩

漹演漾麾下殺元戎湖邊有飛旄孤舟增鬱鬱僻路殊

悄悄側驚猿猱捷仰羨鶴鶴矯禮過宰肥羊愁當置清

醪人非西喻蜀興在北坑趙方行柳岸靜未話長沙擾

崔師乞已至澧卒用矜少問罪消息真開顏憩亭沼注

崔侍御濕乞師于洪府師已至袁州北楊中丞琳問罪

將士自澧上達長沙矣

王彥輔塵史世言子美卒于衡之耒陽寰宇記亦

載其坟在縣北二里唐新書稱耒陽令遺白酒黃

牛一夕而死予觀子美僑寄巴峽三歲大曆三年

二月始下峽流寓荆南徙泊公安久之方次岳陽

卽四年冬末也既過洞庭入長沙乃五年之春四

月遇臧玠之亂倉皇往衡陽至耒陽舟中伏枕又

畏瘴復沿湘而下故有回櫂之作又登舟將適漢

陽云秋帆催客歸蓋回櫂在夏末此篇已入秋矣

又繼之以暮秋將歸秦留別湖南幕府親友詩則子美北還之迹見此三篇安得卒于耒陽耶以元微之墓誌及呂汲公詩譜考之其卒當在潭岳之交秋冬之際但詩譜云是年夏卒則非也鶴曰謝聶令詩云興盡本韻又且宿留驛近山亭若果以歿死豈能為是長篇又復游憇山亭以詩証之其

### 証明矣

以下圖考  
俱及行小  
字接寫

箋曰舊書本傳甫遊衡山寓居耒陽啗牛肉白酒

一夕而卒于耒陽元稹墓誌扁舟下荆楚間竟以寓卒旅殯岳陽公卒于耒陽殯于岳陽史誌皆可考據自呂汲公詩譜不明旅殯之義以謂是年夏還襄漢卒于岳陽于是王得臣魯訔黃鶴之徒紛紛聚訟謂子美未常卒于耒陽又牽引回樞等詩以為是夏還襄漢之証按史崔旰殺郭英乂楊子琳攻西川蜀中大亂甫以其家避亂荆楚扁舟下峽此大曆三年也是年至江陵移居公安歲暮之

岳陽明年之潭州此于詩可考也大曆五年夏避  
臧玠之亂入衡州史云泝沿湘流游衡山寓居耒  
陽以卒明皇雜錄亦與史合安得反據詩譜而疑  
之其所引登舟歸秦諸詩皆四年秋冬潭州詩也  
斷不在耒陽之後回樵詩有衡岳蒸池之句蓋五  
年夏入衡苦其炎暵思回樵為襄漢之游而不果  
也此詩在耒陽之前明矣安可據為北還之証乎  
以詩考之大曆四年公終歲居潭而諸譜皆言是

年春入潭旋之衡夏畏熱復還潭則又誤認回樵  
詩為是年作也作年譜者臆見揣度遂奮筆而書  
之其不可為典要如此吾斷以史誌為証曰子美  
三年下峽由江陵公安之岳四年之潭五年之衡  
卒于耒陽殯于岳陽其他支離傳會盡削不載可  
也當逆旅憔悴之日涉旬不食一飽無時牛肉白  
酒何足以為垢病而雜然起為公諱若夫劉斧之  
摭遺小說韓退之李元賓之偽詩偽傳三尺童子

皆知笑之而諸人互相駁正以為能事又何足道哉

近代有為杜工部耒陽祠堂記者大畧曰子美出瞿塘下江陵登岳陽樓覽衡岳抵耒陽適江水暴漲有詩千聶令令饋以牛肉白酒因飲死為驚湍所漂僅得所遺靴因壘土築虛塚瘞之解縉有詩云蔡倫池上霧如紙杜老祠前秋日黃為問靴洲江上水流船三日到衡陽按此則杜陵之歿不特

以牛肉白酒并罹汨羅之酷矣然則元誌所謂旅

殯岳陽者何喪而四十年後嗣業所葬者又何柩

耶大抵賢者所在人各引以為重不妨耒陽自葬

子美之遺靴亦不足置辨也又耒陽縣誌墓祠在

縣治北郭外二里來江左畔洞陽觀之西

細田山隈水二里半五五相國國傳之西

千美之量雖亦不異且積也又亦山山細田山隈

中大外資谷洲五八各山又山山亦故來山山

設世山山山山山山山山山山山山山山山山

山山山山山山山山山山山山山山山山



